









No. [REDACTED]

Harrison Gray Otis.

“Legere, et non
Intelligere; est negligere.”

PEABODY INSTITUTE
LIBRARY



BALTIMORE

878

F866

1579

RB 17

Mythologia Ethica: hoc est Moralis
philosophiae per fabulos brutis attributae,
traditae, amoenissimum viridarium:
In quo humanae vitae etc.

ab Arnoldo Freitagio Embricensi
latine explicatis, et incisum.

Antverpiae Philippo Galles
Christophorus Plantinus excudebat.
M. D. LXXIX. (1579) titre gravé

in 4° de 4 ffnc et 252 pp. (dont la dernière
non chiffrée est blanche)

La marge est très courte, et le titre parait
que quelques feuilletts ont été ~~supplément~~
endommagé par le couteau du relieur;
un raccomodage au dernier feuillet.

Brunet in Graesse in cit. cet ouvrage

Nombreuses gravures, qui d'après la
L'inscription du titre paraissent devoir
être de Philippe Galle.

878

F866

1579

RB 17

[Faint, illegible handwritten text, likely bleed-through from the reverse side of the page.]

George C. Keidel,
Rec'd Feb. 24, 1897.

Johns Hopkins
University.


Mythology
Gautier

2714

Friday, Dec. 1890

740

MYTHOLOGIA ETHICA,



*Moralis philosophiae per fa-
bulas brutis attributas, tra-
ditæ, amoenissimum viridari-
um: In quo humanæ vitæ la-
byrintho demonstrato, virtu-
tis semita pulcherri-
mis præceptis, veluti
Thæsei filo docet^r.*

*Artificiosiss^{is}. nobilissimorum sculptorū
iconib^{us} ab Arnoldo Freitagio Em-
bricensi, latine explicatis, æni incisum.*

ANTVERPIÆ,
Philippo Gallæo Christophorus Plantinus excudebat.

M. D. LXXIX.

CLARISSIMIS OPTIMISQVE

VIRIS ABRAHAMO ORTELIO

HISPANIARVM REGIS GEOGRAPHO,

ET ANDREAE XIMENIO LVSITANO,

ARNOLDVS FREITAGHIVS S. D.



QVAM sit præclarum ænigmaticum illud philosophandi genus, quo per sinuosa verborum inuolucra in veritatis penetralia veluti è tenebris in lucem, ac caliginosa nube in lucidissimū *σέπεια* mortales deducuntur, non ignoratis, viri ornatissimi; neque hic locus postulat infinita illa nodosi sermonis volumina ac docendi genera perstringere. id præsens negotium efflagitat, ut quantum vulgari præstet, operis ingressu non tam doceamus quàm moneamus; nam quo fertilior sese laudum campus offert, eo susceptum opus minus laudandum censeo, quòd vendibili vino, ut aiunt, opus non sit hedera suspensa. Vnum sanè illud est, & quidem præstantissimum moralis philosophiæ genus, quod per apologos mira cum delectatione à vitiis ad virtutem, à praua viuendi consuetudine ad temperantiam atque adeò frugem hominem traducit: quamplu-
chrè

chrè autem illud à fabulatorum vetustissimo cory-
phæo AEsopo præstitum sit, nullus est qui igno-
ret, & si quis forsitan sit qui eius Mythologias non
admodum magni faciendas esse existimet, is quæ-
so in ipsius scriptis examinandis ingenij aciem pau-
lo diligentius intendat, videatque quàm scitè, quàm
appositè, animantium, stirpium, hominum, ani-
matorum denique atque inanimatorum proprias ac
peculiares affectiones naturasq. inuestiget, quàm non
temerè aut casu rebus sermonem attribuat, quàm reli-
giosè rerum *συμπαθείαν καὶ ἀρμονίαν* siue concentum ob-
feruet, quod vt vno atque altero exemplo patefaciam
(nam singula persequi prolixi esset commentarij) quid
potuit fingi venustius atq; ad naturam accommoda-
tius, quàm mustelæ contra basiliscum astutia, vbi ad-
mirandam rutæ contra venena vim ac præsentissimum
ἀλεξήτριον nobis considerandum reliquit, in gallo au-
tem gallinaceo generosissimum ac ferocissimum ani-
mantium cantu suo leonem fugando occultam naturæ
operationem, in communi morum ratione muliercu-
læ avaritiam, gallinam aurea oua parientem secantis,
quòd hic sexus viris sit, cum suo etiam sæpè dispendio,
ad rem attentior. De fabularum autem ac similitudi-
num (res enim propè eadem est) dignitate nulla est
controuersia, quando ipse mediator Dei & hominum,
Deus & homo Christus, proteruam Iudæorum per-
uicaciam, gentilium perfidiam, vulgi stupiditatem,
Pha-

Phariseorum fastum ac contumaciam contuderit, perfregerit, erudierit, docuerit parabolis & exemplis. quid? quod ænigmatibus tortuosisque quæstionibus diuina mysteria vulgo proposuerit, ne ad sacrosancta adyta quemquam præter eos qui à terrenis sordibus mentem despumabant, admiserit: partim rerum arduarum magnitudine terreri infimos insinuans ac gradibus quibusdam ad cælestis sapientiæ apicem deducendos: partim latentem quandam in hoc instituendi genere delitescere energiam ac incredibilem voluptatem sitam esse. Nam cum per anfractus diu hominem detineat, id tandem efficit, ut rebus è media vitæ consuetudine ac quotidianis actionibus petitis, quod minimè persuaderi antea potuerat, nunc ultro arripiat, amplectatur, & quod absurdum quandoque videbatur, ex paradoxo popolare postea ac suspiciendum venerandumque reddat: adeò cæca caligine in hunc carcerem deturbati nostri sunt animi, ita voluptatum ac corporis cœno immersi, ut huiusmodi conuinci argumentis gestiant, ut horum doctrina rationi obtemperare malint, quàm abstractis à sensuum iudicio rebus. quod igitur ea moralis philosophiæ tradendæ cum omni hominum generi, tum vel maximè vulgo via sit expeditissima, neque minus quàm apophthegmata, Chreæ, sententiæ, quorum laudi nullus unquam sapiens detraxit, virium habeat, ex his abundè li-

quet . Eapropter optimi viri , cum hic fabularum
non Æsopicarum modò , sed quorumcumque quæ
hactenus haberi potuere , libellus non ita multò an-
te è Belgico in Gallicum idioma vernaculo vtrif-
que carmine translatus sit , vestro hortatu , qui Stoæ
veteri ac virtutum scholæ impensè fauetis , eum La-
tio donandum censui , æquabili ac plano , nec non
à poëtarum legibus vindicato sermone , cum pluri-
bus de causis tum hisce potissimùm , quòd solutam
orationem à pluribus quàm numeris astrictam legi
in confesso sit , quoniam ea plerique magis delecten-
tur , quàm carmine , cùm facilius maior lectorum
pars eam assequatur . præterea vt omnium non arti-
ficum modò liberaliorum cœtui , pictorum dico , scul-
ptorum , architectorum , & similium hunc libellum ,
quo nihil in eo genere , vel ipsorum iudicio , hacte-
nus prodiit elaboratius , commendatiorem reddere-
mus , verumetiam iis nationibus eius faceremus co-
piam , ac muta quæ in eo sunt animantia redderemus
vocalia , qui neutrum istarum linguarum , quibus
hactenus editus est , callent . quod nos potissimum
Latinæ linguæ beneficio consecuturos non ambi-
gimus . Id etsi pro voto meo nondum consecutus
sim , erunt tamen qui meam operam , conatum , ac
subsecivas horas non aspernabuntur , si qui sugilla-
uerint , erit hoc mihi cùm multis commune , non pro-
bari omnibus : vobis autem ob veterem consuetudinē
atque

atque amicitiam noctes meas Atuaticas dedico conse-
croque : has virtutis cultores Socratico amore fouete,
illis & mihi à Mercurio longo postliminio ad Musas
redeunti indulgete. non minus vobis hæ fabulæ quàm
diuini Platonis matura diuinaque philosophia, Socra-
ticæ inductiones, Pythagoræ abstrusa reconditaque
inuolucra, Epicteti præcepta, Ceberis humanæ vitæ
labyrinthi fabulosæ ethices doctrinæ persimilis, aut
denique ipsa historia vitæ magistra, vtilitatis com-
modique adferent. neque enim diffidendum est fo-
re hanc Æsopicam philosophiam optimam vitæ in-
stituendæ magistræ, cuius auctor sapientissimus
quandoque Solonem monuerit, cum regibus ἡ ἡγεμεν ἡ
ἡγεμεν loquendum esse, neque eum morum nobis le-
ges ferre verecundabimur, quem Græciæ tantum lu-
men ac superbissimarum Athenarum legislator pru-
dentissimus monentem audire non fastidiuit. non mi-
nus fortassis ex harum fabularum lectione, dum si-
mul oculos & animum pascitis, profecturi quàm A-
madisij commentis, Ariosti poëmatis, atque id ge-
nus innumeris scriptis. sub quibus libenter fatemur
tectæ esse quamplurima, quæ ad communem vitam,
politicam administrationem, aulicas technas, rem
militarem, non parum lucis adferunt. Speramus au-
tem & Latinæ linguæ candidatis ob rei varietatem,
ac multiplices dictionum nomenclaturas, quæ hic
perpetuò, rarò alibi, occurrunt, hoc opusculum nec
ingra-

ingratum, nec inutile futurum. Valere & pergi-
te, vt facitis, vestram vterque Spartam exornare.
Antverpiæ anno restitutæ salutis CIO. IO. LXXIX.
Nonis Iunij.

I N Z O I L V M.

*Linide qui cunctas exosus conteris artes,
Si tibi quid nostri displicet ingenij,
Sodes carpe, doce, dabimus posthac meliora.
Carpere nil artis, sed meliora dare.
Vulnere frondescit virtus, rubigine ferrum
Contrahitur, rectè cote nisi polias.*

HEXASTICHON LIBRI

AD LECTOREM.

Paruæ molis eram Phrygio dictante magistro
Multorum factus grandior inde opibus
Æsopus quondam monstroso corpore nanus,
Gibbosus, labeo, mente sed ingenua.
Graius me Graio contexuit ante cothurno:
Nunc Scythæ, nunc Afer, nunc terit
Aufonia.

A

A V R I G Æ E T E Q V I
F A B V L A.

E Q V V S quidam ab iniquo domino pessimè habitus, ita ut ob inediã strigosus ac macie cōfectus cute ossibusq; miseram tegeret animam, in difficilē quendam altoq; cœno demersum locū deducitur, unde cū se explicare nequirit, à tetrico ac iracundo auriga immaniter vapulabat : quare multa secum ingemiscens, cū loci difficultatem & heri sibi plus operis imponentis quàm ferēdo esset, incussaret inclementiam, magis magisq; ab excandescente essedario (qui seminecis miseria nullo doloris affectu tangebatur) impulsus fustigatusq; hoc demum solatij loco exhalaturus animam, audire cogitur : Debes tu verò hinc te hodie extricare, aut extrema à me experiri.

Q V A D R A T. in *δηροβόρης* fabula, qui veluti hiru-
dines adeò grauibus subditorum sanguinem exactio-
nibus eliciunt, ut præter cutem atque ossa salui misel-
lis nihil sit.

Into-

Intolerabilis exactionum
sæuitia.



*Ite ergo & operamini, palea non dabuntur vo-
bis, & reddetis consuetum numerum laterum.
Exod. 5, 18.*

CUM omnia animantium genera, leo regia inter ea dignitate præfulgens, gravi se morbo oppressum simulās, ad statā diē adesse inisset, quā de imperij negotiis cognosceret, pacatūq; se mortuo posteris regnū relinqueret, obsequuntur omnia ac præstituto die frequentia ad regiam comitiorum nomine conuolāt. Sola vulpes astu reliquas superans, abeuntium vestigia in pulvere contempla- ta, regis aspernata imperium vesanam ac incon- sideratam ultimarū temeritatem incessens, Nā vos estis, inquit, insana ac verè eo quo appellami- ni digna nomine, bestia, quæ ad regiā commean- tium vestigia non diligentius examinetis; me- minisse quippe oportuerat ingressas quā plurimas, rediisse nullam.

COMMENDAT præsens fabula eorum pruden- tiam, qui maturo consilio lenocinātem improbi prin- cipis tyrannidem, qua misera plebecula, heu nimium facile, irretitur, effugiunt, eosque vitant casses quibus capti sunt plurimi.

Prudentia ex alieno periculo.



*Astutus videns malum absconditus est: parvuli
transeuntes sustinuerunt dispendia.*

Proverb. 27, 12.

A 3

QVER-

QVERCVS ET VLMI.

IMPROBI principis exemplum pulchro ordine consequitur quercus & Ulmi fabula, qui cū cruento quondam quercui consilio ut sui confirmandi ac stabiliendi causa reliquas omnes arbores extirparet euelleretq̃, moleste non modò suggereret, Verumetiam pręgnantibus suo iudicio rationib. atque argumentis persuadere conaretur, longa demum importunitate clementiss. regis, diu Ulmi atroces preces dissimulantis ad iracundiã prouocat patientiam; cūq. percontanti regi, ecquid sibi reliquis excisis arborib. contra tempestatum turbinumq̃ vim faciundum censeat, confusus nihil suggereret, grauissimis ei regia indignationis necisq̃ interminatis pœnis, si ulli in posterum negotium facesseret, à reliquarum arborum consortio eum eliminat.

QVERCVS principi popularis demerendæ beneuolentiæ viam comonstrat, docetq̃ qualis ipsius in subditos debeat esse affectus, ut videlicet secundę & aduersę suorum fortunæ condoleat & communicet.

Prin-

Principatus subditorum salute
confirmatus.



*In multitudine populi dignitas regis: & in pau-
citate plebis ignominia principis.*

Proverb. 14, 28.

LEONIS ET ASINI.

LEO galli cucurientis (aiūt enim hanc esse inter illa animantia natura agrā δυνάμειν) - Voce attonitus fugā capeſſit, quod fors ſtupidus quidā aſinus fuga cauſſa non intellecta cōſpicatus, ſibi ipſi eā attribuit ac leonem inſequitur. leo tanto ſpatio emenſo, ut galli cantum nō amplius audiret, eaq; formidine animū liberaret, Sardonicè ridēs conuerſus, in aſinū irruit; quē cū unguibus diſcerperet, his verbis ſtoliditatis arguit: Ha, ha, ſiccine leonē aſino viſo conſternari ſeſe q; in fugā conicere demens autumas? Inutili tibi exēplo ſub meis hodie diſce unguibus ſtolidum eſſe temerario quodā auſu diſcipulum ſeſe in certamen cum magiſtro committere; aut arroganti quadam præſumptione quicquam ſuis impar viribus audere.

PRAETER QVAM quod fabule coronis vſum eius ſecum adferat, hoc etiam attexam: Veſaniæ cuiuſdā extremæ eſſe, naturæ ſuæ dotibus non conſideratis, alium ſe audere venditare; etiam hiſ qui multis te nominib. excellunt, quā reuera ſis.

Vis potentioris temerè laceffita.



*Non litiges cum homine potente, ne fortè incidas
in manus illius. Eccles. 8, 1.*

*Noli resistere contra faciem potentis, nec coneris
contra ictum fluij. Eccles. 4, 32.*

A

5

HO-

HOMINIS MORTEM ACCERSENTIS.

DECREPITÆ atatis senex ingenti quam baiulabat sarcina onere, & via molestia defatigatus, succumbit, ac mortem è vestigio arcessit; quæ cum vocantem exaudiisset ac pone esset, telumq; iam in eum collimaret; Age, inquit, ô mors non ideò te acciui ut mihi vitam adimeres, sed ut ablata sarcina laboris partem tolleres ac itineris tadium leuares.

FIT ita plerumque, ut cùm grauius aliquod nobis imminet malum, pristinæ obliti calamitatis, præsentem æquiori animo feramus molestiam: adeoque nullus sit ita confecta ætate, qui se annum non putet (ut inquit Cicero) posse viuere, addam & hoc, qui non etiam velit vel in maximis vitæ ærumnis perpetuò vitam traducere, existente natura ita sui sollicita conseruatrice.

Vitæ

Vitæ ærumnosi fictum tædium.



*Melior est mors quàm vita amara: & requies
æterna quàm languor perseverans.*

Eccles. 30, 17.

Melior est canis vivus leone mortuo. Eccles. 9, 4.

BA-

BASILISCI ET MV-
STELAE.

OPACAM, horridam, & pribusq; cooper-
tam speluncam immanis ac truculentus basiliscus
inhabitans, assidueq; contra reliqua animantia
excubans, mustelam quādam iuxta antrū quo-
tidie pascentem insidiosè observabat, sæpiusq; egre-
diebatur ut eam abriperet, sperans se voti fore
quandoq; compotem, cum pulchrè interim muste-
la hostis improbos conatus irritos redderet, ac im-
potentem nocēdi libidinē prudentia sua cluderet.
Impauida enim suis munita armis specum hostis
subit, haud ignara ruta ramusculo (eam contra
venena præsentissimam aiunt esse antidotum)
quo corpori circumdato hostem sæpius remorata
fuerat, in posterum se facile eius veneni vim a-
molituram.

MONET infirmiore fabula, ut cautè ac prudenter
contra fortiorem se communiat, suaque consilia insti-
tuat, cogitetq; non tã viribus quàm prudentia eius ma-
chinationes conuellendas ac pessumdandas esse.

Con-

13
Consilio & viribus munita
defensio.



*Resistite diabolo, & fugiet à vobis. Jacob. 4, 7.
In omnibus sumentes scutum fidei, in quo possitis
omnia tela nequissimi ignea extinguere.
Ephes. 6, 16.*

SIMIÆ ET PROLIVM.

GEMELLOS cum simius haberet fœtus, hos dispari ratione educabat, ita ut tenerrimè complecteretur alterum, alterius sibi vita mendiscatere perpetuò vidcretur, hanc suo dimo-uebat consortio, illam ad eò sibi domesticè coniunctéque conuincere volebat, ut à suo numquam discedere latere pateretur; nullum denique, ut in uniuersum dicam, in eius vita nauum deprehendebat; saltat itaque impunè, in orbem se uersat, nullumq; insolentia genus, coarguente nemine, prætermittit, quo fit ut coxã luxet: pater fors infortunio nati superueniēs, ingentiq; luctu omnia cōplens, sublatū in ulnas ita arctè cōplectitur stringitq;, ut animam è uestigio exhalaret, simiolo insano amore necem, ac sibi mærorem concilians.

COMPETIT in eos apologus parentes, qui cæco ac infelici amore suos liberos prosequuntur, nimia sua erga eos indulgentia, sibi ad extremum mærorem, ipsis exitium consciscentes.

Infæ-

Insanus parentum erga pro-
les amor.



*Qui parcit virga, odit filium suum; qui autem
diligat illum, instanter erudit. Proverb. 13, 24.
Confusio patris est de filio indisciplinato: filia au-
tem in deminoratione fiet. Eccles. 22, 3.*

LEO.

LEONIS ET EQVI.

AMPLO patientiꝯ campo famelicus quidā
 leo equum conspicatus, veteratorie accurrit, ac se
 medicum professus suam equo operam offert, adiun-
 turum se inquiens, si quo fors morbo corporis ve-
 ritio laboret. nam se presentissima contra omnia
 morborum malorumqꝯ genera domi reposita re-
 media habere: at equus leonina versutia depre-
 hensa, Opportune, ait, ades optatiss. medicorum,
 & cōmodum te mihi pater Apollo misit Æscu-
 lapium; nam posteriorum pedum alterum latens
 exedit vomica, ille medicas postulat manus,
 ille tuam opē efflagitat, illi obsecro malagma ap-
 plicato. Leo dum se vulnus consideraturū simu-
 lans ad posteriora equi applicaret, ita ab eo calce
 petitur, ut communi sensu sua sede turbato at-
 tonitus in terram corrueret.

FERRE fit ut qui de aliis circumueniendis ac sup-
 plantandis satagunt, simili aut maiori astu illusi sue frau-
 dis talionem reportēt, & quod in parcēmia est, In scro-
 bem incidant, quam alteri effoderunt.

Dolus

Dolus prudenti astu elusus.



Meliora sunt vulnera diligentis, quàm fraudulentula oscula odientis. Proverb. 27, 6.

In oculis suis lachrymatur inimicus: & si inuenerit tempus, non satiabitur sanguine.

Eccles. 12, 16.

B

VVL-

VVLPI ET GRVIS.

VVLPI Gruem inuitanti, prandium ipsa condixerat: cūque venisset, puls ei lance apponitur: illa cū ob rostri longitudinem vix dum famem ex paropside restingueret, salsè à Vulpe irridetur. grus hanc tacitè ferens ignominiam, simili strophà Vulpem ludificatur a vicissim inuitat, ac epulum cucurbita infusum mēsa infert, rogatq̃ ne suas dedignetur gustare dapes; sibi enim eas ut lienem curaret præsertim paratas: ipsa dein rostro immisso laute pascitur, atque opiparis dapibus suam ingluuiem farcit. Vulpem dein cauillata, ut ferculum placuerit, interrogat: Vulpes verò se rectè tractatam annuit, propriiq̃ delicti percita conscientia, artem arte eludendam esse, ac malo nodo malum esse quarendum cuneum fatetur: neque defuturos qui eum decipiant, qui in decipiendis aliis omne suum studium collocat, cū scophantarum plena sint omnia.

Fraus.

Fraus fraude compensata.



Ipse deludet illusores, & mansuetis dabit gratiā.
Proverb. 3, 34.

*Qui apprehendit sapientes in astutia eorum, &
 consilium pravorum dissipat. Iob. 5, 13.*

B 2 P.A-

PAVONIS ET LVSCI

N I AE.

DVLCEM quandoq; Luscinia cantum pavono admirās cū audiret attētius, ei amulatus, cū Natura quòd sibi tantum beneficium quo præ cæteris avibus ob plumarum venustatem condecorari convenisset, non impertita esset, expostulat. at provida Natura suam ei vicissim ingratitudinē exprobrans, se cantus istius ac melodia vice alio nobilissimo quodam munere dotatum ^{ade} regerit, ac iniquè admodum agere, cū nec sua Luscinia prærogativa inuideat, neque dotib. additq; actum sibi perpetuò agendum fore, si ex cuiusque præscripto ac sententia novæ quotidie rebus forma inducenda essent.

PRAESENTIS fabulae institutum est, receptis à Deo summo naturæ opifice beneficiis, quemlibet monere contentum esse, neque id curiosius anquirere, cur alia aliis dona indulta sint.

Natu--

Naturæ beneficæ iniusta & ingrata
criminatio.



Sint mores sine auaritia, contenti presentibus.
Hebr. 13, 5.

B 3

OVIS

OVIS, LUPUS, ET CANIS.

QVÆ peruetusta fuit ouibus cū lupis discordia cū in atrox quandoque exarsisset bellum, atque oues sub tutissimo robustissimorum canum praesidio degerēt, suis diffisi viribus lupi pacem petunt, obsidesq; suam ouibus sobolem pollicentur, si vicissim sibi canes concederentur. acceptant conditionem expertes fraudis ouicula, atq; eiusmodi utrinque pax legibus stabilitur: ne quod altera pars alteri priuata publicaq; vi damnum det; si quid secus fiat ab ulla partium, ea ex legū praescripto noxam luat. Vbi luporum catuli succre- uissent, ipsi in oues, lupi in canes irruunt; incantūq; gregem violata fide immaniter deglubūt discerpuntque.

CAVET nos hic locus, ne hosti temerè credamus, neque temerè de eius fide nobis quicquam promittamus qui fallere consuevit, verū cum Cretense Cretisandum, & quod facti monēt codices, amico reconciliato neutiquam esse fidendum.

IN-

Innocentia facilè decepta.



*Non credas inimico tuo in aeternum; sicut enim
 aramentum aruginat nequitia illius; & si
 humiliatus vadat curuus, adice animũ tuũ,
 & custodi te ab illo. Eccles. 12, 10, 11.*

B 4 LEO-

LEONIS ET GLIRIS.

LEO nescio qua fortuna aut à Venatoribus adactus, aut alia sorte cum in rete incidisset, ac frustra vel maximis laboribus sese explicare conatus, magis magisque irretiretur; cumque nequicquam strennuè laboraret, præsentis periculi vicinitatem vehementer formidans, horrendum rugit: quo clamore glis, quem sibi quondam beneficio deuinxerat, excitatus accurrit, retisq; arrodens fila leonem liberat, ac perpetuam sibi leonis opem operamq; conciliat.

SAEPENUMERO accidit, ut tenuiores ac humiliores vel maximæ etiam fortis hominibus gratificandi ac beneficij rependendi occasionem nanciscantur, quo fit ut nullius arroganter aspernanda sit conditio, neque quisquam ita vilis aut abiectus est, qui non quandoq; nobis vsui esse possit.

Bene-

Beneficij reddendi nemini prære-
pta occasio.



Si bene feceris scito cui feceris, & erit gratia in bonis tuis multa. Benefac iusto, & inuenies retributionem magnam. Eccles. 12, 1, 2.

B

s

AQVI

AQVILONIS, PHOEBI ET
VIATORIS.

CVM Aquilone de Viribus Phæbo certamen ineunte, suasq; utroque extremè depradicante, intantum lis inruduit, ut cum eius dirimenda arbitrum electuri essent, experimento uter plus Viribus polleret explorarent, viatorem statuunt cui qui penulam detraheret, is victoria palmam reportaret. Hunc primū nimbosus Boreas ingenti procella adoritur; tantumq; abest ut suo impetu viatori vestem adimat, ut magis etiam magisq; eum inuoluat. at solita suoradiorum iubare ipsum pungit, ut lacernam aestus impatientia è vestigio à se viator abiceret.

EORVM commendat apologus vtilem operam, qui ratione potius ac comitate quàm violentia in suam alios faciunt condescendere sententiam; duci enim volunt, non cogi homines.

MO-

Moderata vis impotenti violentia potior.



*Non quia dominamur fidei. 2. Cor. I, 24.
Factus sum infirmis infirmus; ut infirmos lucrifacerem. I. Cor. 9, 22.*

CICA-

CICADÆ AC FORMICÆ.

LOCUSTA dum hiems appeteret à formica stipem emendicans, rogat uti ex acervis à se congestis suam egestatem leuet. formica autem neglecti amœnissimi temporis ei memoriam refrigerans, desidia, otio, cantilenisq; cum in tritico degeret traductā astatem exprobrat; tum, inquiēs, venturi te temporis meminisse oportebat, cum omnium rerum abundantia afflueres, discere nunc hac egestate, qui tempori non laborat, neque occasione servit, sed luxu voluptatēque diffluit, miserum quandoque ac omnium rerum indigentem moriturum esse, ac magno nimis immatura sua huiusmodi gaudia comparaturum.

TEMPORIS esse pretiosissimam iacturam usu-ramque honestissimam docet fabulosa narratio, occasione itaque dandam esse operam, neque ita indulgendum esse genio, ut in prospera fortuna aduersę atque in mediis gaudiis luctus imminentis obliuiscamur.

Contraria industriæ ac desidiæ
præmia.



*Propter frigus piger arare noluit : mendicabit
ergo æstate, & non dabitur illi.*

Proverb. 20, 4.

LVPI ET GRVIS.

LVPVS cū ab osse deglutito propemodum strangularetur, multorum ope implorata, gruē demum pulchris ad illud eximendum promissis sollicitat: persuasa grus collum lupino rictui indit, eiq; ē gutture os extrahit. cūq; promissa officij premia postularet, hoc à lupo responsum refert: Adeone es tu hebes, ut tecum non consideres, potuisse me tibi, cū iugulo collum insertum haberes, vitam adimere; attamen tui misertus pepercerim? abi igitur, mihiq; id acceptum habe, quod quam adimere tibi potueram, vitam habeas.

BENEFICIUM disce tum pessimè collocatum, cū in ingratum confertur: neque aliās vñquam tibi oleum operamq; veriùs perire, quàm in huiusmodi hominum genus profusa.

Fœda

Fœda ingratitude labes.



*Ingrati enim fides tanquam hybernalis glacies
tabescet, & disperiet tanquam aqua superna-
cua. Sap. 16, 29.*

FRA-

FRAXINI ET ARVN-
DINIS.

*DUM Fraxinus arroganti quodā fastu spre-
ta Arundine suum in calum extolleret robur,
Arundinisq; flexuosa imbecillitati nimium insul-
taret, se tempestatibus ventorumq; ac turbinum
impetui resistēdis natum, eam vel minima aura
conquassari inquires, acris quidam ac ingens ex-
oritur typho, Fraxinumq; imis reuulsum stirpi-
bus proster nit: Arundo Fraxini ruinā contem-
plata, Quā tuta, ait, interdum victoria, fir-
maq; vires sunt furori violentiaq; cedere!*

*IN SANAM fastus Fraxini virium ac roboris osten-
tationem edocet, suoque exemplo demonstrat poten-
tia temere nitentium vanitatem vt plurimum eludi.*

Superbi fastus collifus.



Dispersit superbos mente cordis sui. Deposuit potentes de sede & exaltavit humiles.

Luca I, 51, 52.

C

OPL

OPILIONIS FALSO SÆPIVS
CONTRA LVPOS OPEM
IMPLORANTIS.

VERSIPELLIS quidā Opilio fraudis do-
liq̃ insignis artifex, dum gregem pasceret, men-
tiendi quadam libidine nulla necessitate rustico-
rum ac sociorum contra lupos opem implorare
consueverat: quod cū ab eo factum esset crebrius,
ac Vaser Veteratoris omnibus innotuisset ani-
mus, cœpere eius in posterum clamorem flocciface-
re: accidit nō multò post, ut è grege lupus quidam
ouem raperet; opilio iam nō per iocum, ut antea,
sed ut præsens postulabat necessitas, ad pristinam
vociferandi consuetudinem conuersus, surda à
suis, quorum nequiquam auxilium accersebat,
aure auditur, suiq̃ mendacij onis iactura luit
pœnas.

CVM mendacis illud sit præmiū, ut veritatem
dicenti credat nemo; manifestum euadit, probrosam
esse mentiendi consuetudinem ac perniciosam.

Men-

Mendacis poena in veris deroga-
ta fides.



*Suavis est homini panis mendacij, & postea im-
plebitur os eius calculo. Proverb. 20, 17.*

C 2

LVPI

LVPI ET SCROFÆ.

LVPVS Scrofam foetam vicinamq; partui
 rescuens ad suas conuersus artes hanc adit, & ob-
 stetricandi artem simulans, ei suam offert operã.
 illa lupina fraudis non ignara, paucis ambagibus
 sua se opera egere negat, hanc sibi aliter per se li-
 cere collocare: at ipse partui deuorando instans,
 Scrofa renuntiatione haud facile permonetur,
 suamq; operam etiam offerre impudentius vel in-
 nutricandi munere, repulsam passus in uno, niti-
 tur. Scrofa lupi importunitate excandescens, Fa-
 cesse hinc, ait, vel ex unguibus & pelle te lupum
 insidiatorem esse cognoui.

EXTREMAE cuiusdam vefaniæ esse docet Scrofæ
 in suis tutandis prudentia, improbis hominibus ac ve-
 teri vafrie extritis, suam salutem credere, atque in eo-
 rum tutela acquiescere, qui eò omnes animi nervos in-
 tendunt, vt proximi fortunas ac salutem in extremum
 discrimen adducant.

Fictæ

Fictæ amicitia non fidendum.



Homo qui blandis fictisq; sermonibus loquitur amico suo, rete expandit gressibus eius.

Proverb. 29, 5.

C ;

MV-

MVLIERCVLAE CVIVSDAM ET
GALLINAE.

GALLINAM mulier quaedam aureū sibi
quotidie ouum parientem, magnum sanè domus
suae & rei familiaris fulcimen, alebat. de hac ipsa,
cupidine prudentiam occacante, quòd ouis scate-
ret, perniciosam sibi animo opinionem concipit: ni-
miāq; spe lucri illecta, cū uberio rem prouentū
speraret, ventrem secat, ac latentem ouorum the-
saurū explorat; utq; se, spe & unici illius & plu-
rium frustratam animaduverteret, cacam suam
& precipitem auaritiam accusat.

ITA plerumq; fit vt cū nimia opū cupiditate in-
fatiabilis auaritiæ charybdis æstuarē incipiat, & ea quæ
adsunt perdat, & iis destituatur quæ quotidiana rerum
usura certò importabat: neq; de muliercula dumtaxat
narratur fabula, sed cum de omnium hominum gene-
re, tum vel maximè mercatoribus, quibus nil pensi
est lucrādi studio temerè suas fortunas ac pecunias sorti
credere, neque prius acquiescere, quàm his tēve solum
vertant, animamq; omnibus debeant.

Nimia

Nimia habendi cupido perdita.



*Avarus non implebitur pecunia: & qui amat di-
uitias, fructum non capiet ex eis.*

Eccles. 5, 9.

C 4


MV-

M V L A quondam dum optimè incūdisimè-
 que pasceretur, neque ullis arumnis laboribúsve
 uti cetera iumenta premeretur, tranquillioris
 vita ac otij pertasa, genus suum proavosq; odiosa
 quotidie contentione iactans, ex nobilissima se e-
 quorum indole prognatam, palastra, cursui, atq;
 id genus exercitiis idoneam esse dictitabat, neque
 tam ingloria vita mancipandam; quo fit, ut
 post longas saepiusq; reiteratas querimonias impe-
 traret, uti è stabulo in carceres atque hippodro-
 mum sua virtutis ac pernicitatis exēplum edi-
 tura emitteretur: ubi cum generosissimorū equo-
 rum currendi peritiam conspiceret, natura sua
 tarditate ac stupiditate agnita, Hem, ait, iam
 me ego ex vieta & inertī asina proseminatam
 conspicio.

V s v s & experientia quemque quid possit admo-
 nent, eidentissimisq; rationibus quantæ sint cuius-
 que vires, & quò se extendant, manifestum faciunt.

Pro-

Proditus ex opere artifex.



Qui dicit se nosse eum, & mandata eius non custodit, mendax est, & in hoc veritas non est.

I. Ioan. 2, 4.

C

5

VER-

VERVECIS ET LVPI.

AD CAVLAM properans lupo ouina pelle contactus, suam veruucci operam defert, rogatq; ut secum in proximum longè amœnissimū nemus exspatiet. at veruex se ita quidem aditurum fuisse asserit, si lupo ipse non ouis esset, qui utrasque imbelles à ferarum iniuriis ac rapacitate tutari posset. gaudens tali responso lupo, depositis ouinis exuviis, Sum equidē lupo, inquit; age unā ad siluam contendamus. Videlicet teipsam opperiebar, ait veruex; noui enim etiā nū quinā sis: nunc tu solus in malam rem abi, ego meā obseruabo caulam donec alium nanciscar comitem: sat mihi sit hoc tempore vel tantillum didicisse lupum pellem non animum mutare.

ITA nouum non est ouina pelle contactos inter innocentes quamplurimos ac rapacissimos lupos, cruentasque degere feras.

Res

Res ex superficie non iudicandæ.



*Attendite à falsis prophetis, qui veniunt ad vos
in vestimentis ovium, intrinsecus autem sunt
lupi rapaces. Matth. 7, 15.*

BV-

BVBVLCI IDOLVM SVVM
CONFRINGENTIS.

BVBVLCVS quidā idololatra Codro pauperior, cū ad Deum suum tutelarem cui lignē in larario statuam colebat, indies confugeret, precibusq; instanter fatigaret, neque sua pietatis effectum ullum fructūve capesseret, victus tandem idoli pertinacia, impatientia frena laxans ascia pertundit, atque insperato ē fatiscētis aluo delitescētē auri thesaurum producit, ac suo idolo insultās, Egregiē te esse malignum operæpretiū est, qui vi quā spontē, pertusum quā integrū, conuicianti quā roganti benefacere malueris.

QUANDOQVDEM per vim extortum beneficiū nullam mereatur gratiam, adnitendum cui libet est, ut vltronea spontanea que liberalitate bene facere consuecat.

Ex-

Extortum beneficium.



Nam si commortui sumus, & conuiuemus; si sustinebimus, & cōregnabimus; si negauerimus, & ille negabit nos. 2. Timoth. 2, 11.

VVL-

VULPIS AC FELIVM.

VULPES cum felibus iter faciens suam insolenti quadam ostentatione calliditatem atque astutiã multis nominibus laudabat: felium vero usque adeo deprimebat, ut in vilissimis duabus potissimũ rebus earum usum consistere assereret; unum, quod delicatiorũ dominarum latitiæ deservirent: alterum, quod muribus insidiarentur: dum hæc utringꝫ cõtrouersia agitaretur, ita tamen ut vulpes murium officia improba insectatione contaminaret, communes sibi hostes canes à tergo imminere conspiciunt; feles subito conscensa arbore canum laniatum effugiunt; vulpes nullũ videns effugij locum capta; Heu, cum stolidam sit, inquit, inanis iactantia, tum illud stolidissimum vituperare eos qui nostra ruina aut futuri sunt aut fuere spectatores.

FABULA irrisores alienæq; vitæ suggillatores perstringit, vulpisq; exemplo ignominiosè eos subinde, qui in aliis cauillandis voluptatem capiunt, vitam finire, ac maximi eos quos antea spreuerant, tum facere, cū se iisdem innodatos vident laqueis, quos isti perpuerunt, commonstrat.

Virtus verbis non re ostentata.



*Superbiam numquam in tuo sensu, aut in tuo
 verbo dominari permittas: in ipsa enim initium
 sumpsit omnis perditio. Tob. 4, 14.*

SER-

SERPENTIS ET INCUDIS.

SERPENS *Incudi infensus cum eam amb-
edere conaretur, quanto eam rodit acrius, tanto
sibi ipsi nocet magis: dum enim non videt, pra-
sumptionis fascino excacata, se ferri duritiem dē-
tium fragilitate emollire non posse, atq; talem ad-
oriri hostem cuius frustra laceſſiti se ultionem
euaſurum sperare viresq; conuellere, debeat, pro-
priis se incautum dentibus destituit, atque huius-
modi ab incude responsum refert: O insane nimirum,
licet aerei tui dentes essent ac capiti quam firmissi-
mè iniuncti, nihil tamen contra innatam mihi
soliditatem duritiemq; profecturi essent.*

REPREHENDIT eorum dementiam fabula qui
cum nullis propemodum aut perquam exiguis viribus
præditi sunt, cum iis congregiuntur quorum vires tan-
tæ sunt, ut vel fortissimos aspernari ac pessundare
queant.

Arrogans discipuli præ-
sumptio.



*Ego sum Iesus, quem tu persequeris. Durum est
tibi contra stimulum calcitrare.*

Act. 9, 5.

D

DVO-

DVORVM CAMMARORVM.

DVM foetum cancer (ex eorum genere quos cammaros Plinius indigetat) aliam quandam natandi rationem quam qua à natura & materna educatione imbutus erat, docere conaretur, priscamq; ac retrogradam veluti indecoram calumniaretur, iniuria se reprehendi quod haud aliter natare didicisset, regerit, paratum se si aliter à matre, exemplo natandi rationem edocente, instruatur, morem gerere, nunc cum parens à seipsa dissideat, ac secus natet quam se natare velit, nandi artis rudimenta aliunde sibi haurienda discendaq; esse.

IN I Q V I censores ac aristarchi, qui cum in aliorum moribus carpendis ac perstringendis lyncei sint, in propriis talpis ceciores existunt, notantur, iisdemque vitiis contaminatissimi sunt, quorum nomine reprehendunt alios, pauci que qui veteris illud poetæ norunt,

Turpe est doctori cum culpa redarguit ipsum.

Do-

Doctrina exemplo dissentanea.



Qui ergo aliū doces, teipsum non doces; qui praedicas non furandum, furaris. Rom. 2, 21.

D 2

LEPO-

LEPORIS AC TESTVDINIS.

LEPVS cum testudine de velocitate ac per-
 nicitate pedum contendens, suam ci tarditatem
 corporisq³ molem exprobrat, imperiumq³ sibi in eā
 vindicat: Testudo leporis fastu cōtento, ne praiu-
 dicatis sententiis in eius potestatem deueniret, rē
 explorari rogat, ac aduersarium in certamē pro-
 uocat, neq³ se aliter ei quā si victa sit hanc lau-
 dem suamq³ libertatem cessurā testatur. dies lo-
 cusq³ certaminis assignantur: contendit vterque
 ad praestitutam metam; testudo totam diem no-
 ctēq³ cautē gradiendo leporē qui temporis nulla
 habita ratione unico se cursu facile cōperuenturū
 sperabat, anteuertit, ac palmam praeipit.

V s v s fabulae est, In omni vitæ actionisq³ genere
 assiduitatem quamplurimum posse, cunctaq³ ardua
 industria ac diligentia demum superari, ac lentē festi-
 nando, quod monet ille, plus effici quā praeatura
 properatione.

Natu-

Natura assiduitate superata.



*Nescitis quòd ij qui in stadio currunt, omnes qui-
dem currunt: sed unus accipit brauium. sic
currite ut comprehendatis. 1. Cor. 9, 24.*

D 3 COR-

CORVI ET OVIS.

COMPARATVM ita est, ut quāvis improborum dissimilia sint ingenia, neque eadem malitiæ ratio, ne inter ipsos quidem, in eo tamen uno optimè inter ipsos cōueniat, quod bonis malè perpetuò velint. Sic innocens ab omnibus semper impetitur ouicula. Huic quandoq; coruus in dorsum aduolans cum immaniter adunco rostro laniaret, de iniuria secum ovis ita exposulat, ut in se quidem dicat inermem & imbellem sœuire, non perinde ausurum in cane, quem fors monstrabat, vires suas periclitari: at coruus nil eo motus, nosse se probè quid faciat, respondet.

FRVSTRA contra eos querimonias instituimus ac nostrum ius prætendimus, qui ex aliena calamitate ac ærumnis voluptatem capeffunt.

Infra-

Infamis inermium oppugnatio.



Vidua & pupillo nō nocebitis. Si laeseritis eos, vociferabūtur ad me, & ego audiam clamorem eorū: & indignabitur furor meus, percutiamq; vos gladio, & erunt uxores vestrae viduae, & filij vestri pupilli. Exod. 22, 23.

VULPIS ET APIVM.

PEDICÆ vulpes illaqueata cum ab Apū aculeis ita pungeretur ut cruentata exterius tota appareret, ab alia quadam vulpe vii à se eas insectas abigeret admonetur: ipsa sibi parum tutum id consilium videri asserit, quod ab actis saturis cruorisq; plenis, recētes ac famelica aduolatura sint, multoq; grauius quàm quibus iam sanguine distentus venter, quod reliquum in corpore est, exsuctura sint.

VETVS prouerbiū est naturæ characteribus cuiusvis animo insculptum, E duobus malis minus malum semper esse eligendum.

Mino-

Minoris mali è duobus cauta
electio.



*Sed melius est mihi absq^{ue} opere incidere in manus
vestras, quàm peccare in conspectu Domini.*

Daniel. 13, 23.

D 5

AQVI-

AQUILAE ET VULPIS.

VULPI quondam Aquila insidiata, catulos rapit, atque in altum subuolans ad suum deferret nidum, id fors Vulpes interueniens conspiciata, cum tunc quidem nil aliud ob prolium raptū, quàm aëra minis questibusq; complere posset, altè menti illatam iniuriam insigens, occasione vindictæ prestolata, ardentem arbori in qua Aquila nidulata erat supponens facem, pullos aquilinos, matre nequiquam ad eorū clamorem aduolante ac nimium serò opitulante, fumo flammāq; suffocat, id suo malo docens Aquilam, quod ipsa minimè antea norat, vindictæ nemini preclusam esse viam.

COMMONEFACIT hic locus vel minimos sepe numero ultionis occasionem nancisci, ideoque temerè violandum esse neminem.

Peri-

Periculosus aliorum contemptus.



*Qui iniuriam facit, recipiet id quod iniquè gessit,
 & non est personarum acceptio apud Deum.
 Coloss. 3, 23.*

AMI-

AMICORVM DVORVM

E T V R S I.

AMICORVM par iter ingressum, dū variis colloquiis via tedium leuarent, fortē ingentē sibi vrsū obuiam occurrentem haud magno à se interstitio formidine perculsi cernentes, lōgo deliberandi spatio exclusi, à se inuicem viatores separantur: scandit hic arborem, ille in terram confestim mortuum se simulans (nam à cadaveribus abstinere vrsos protritum est) prouit: cui cū vrsus immoto humi procumbenti appropinquasset, mortuum ratus, suum iter prosequitur: quare ex arbore socius conspecta, cū extra periculū cuncta esse animaduverteret, ad amicū reuersus, Quid ei in aurem vrsus susurrasset anquirat: Hoc est, inquit, ut tui similes amicos fugerē, eorumq; suspectam amicitiam haberem, qui secunda tantū fortuna amicitia iura colunt.

AMICVS certus in re incerta cernitur.

Fu-

Fucatæ amicitiae nota.



*Omnis amicus dicet, Et ego amicitiam copulaui:
sed est amicus solo nomine amicus.
Eccles. 7, 1.*

ASL

ASINI ET CATELLI.

CUM catellum hero abblandientem, carumque eo nomine esse animadvertisset Asinus, cepit secum iniqua vitæ sorte penitus introspecta, queritari, catellum in otio & deliciis vivere, se plagis verberibusque tundi, huic dominum blandiri, ipsumque vicissim domino. suam igitur ruditatē incusans, eandem herilis gratia demerēda viam ingressus, qua non ita pridem usum canem viderat, inconditis blanditiis rudens, primoribus herum pedibus, lepide scilicet applaudens, concutit; unde à servis citato gradu accurrentibus insigniter fustigatus duro cuidam rustico ad labores emancipatur dinenditurque.

IN fictionem ac hypocrisin comparata est fabula, hortaturque nos asini infortunium rectè incedendum esse, neque à vitæ statione temerè ad aliam cui minus sufficimus, deflectendum esse.

Nc-

Neglecta Sparte.



*Et insiliens homo in eos in quo erat demonium
 pessimum, & dominatus amborum, inualuit
 contra eos, ita ut nudi & vulnerati effuge-
 rent de domo illa. Act. 19, 16. Act. 8, 19.*

EX EODEM dum lupo agnusq; riuulo fors
 biberet, hic ex inferiori, ille ex superiori laticis sca-
 turigine sitim restinguebant: Agno vero turbavi
 sibi ab eo aquam cœnoq; permisceri improbus insi-
 diator ac heluo canillatur, atque his vel similib.
 agnum vocibus adoritur; Te etsi taurus fuisses,
 in eam umquam prorupturum fuisse audaciã,
 neutiquam existimassem. at agnus malitia hostis
 probe cognita, formidine animũ percellente, dum
 se modestè excusare conatur, his ab eo verbis re-
 primitur: Itãne iactabunde mihi patris tui per
 omnia similis audes responsare? etiãmne verbu-
 lum audes hiscere? non impunè hoc feres, sed dabis
 mihi pro ista tua audacia vel morte hodie pœ-
 nas.

CALVMNIATORVM malignam notat nocendi
 libidinem, qui quauis atque ad eò nulla occasione ca-
 ptata, ex fontium moribus, malitiæ quæstum faciunt:
 neque aliàs magis in sinum gaudent, quàm cum bono-
 rum vitam, famam, ac fortunas in discrimen addu-
 xerint.

Affectata improborum nocendi
malitia.



Vnde princeps & satrapæ quærebant occasionem
ut inuenirent Danieli ex latere regni.
Daniel. 6, 4.

FVRIS ET CANIS.

FVR quidam effractis noctu foribus cani domestico excubanti panem obiicit, ne se ades expilantem proderet: at ipse sui minimè muneris oblitus, nequaquam sibi hoc pacto os obturari patitur, sed latratu clamoribusq; furis prodita presentia, domesticos excitat, ipsumq; effractorem grauitè his verbis increpat: *Toto aberras calo flagitiose verbero, si me utilitate ac commodo illectū estimationis meæ iacturam tuo celato crimine subituum existimas, aut me lucelli cupiditate famam fidemq; venalem habere autumas.*

DETERRET à flagitiosa proditiōis ac infidelitatis infamia seruos, dum incorrupti fidissimi animantium canis in herilibus rebus tutandis constantiam depingit, quo exemplo iure omnes permoueri debent, vt castè atque inuiolatè fidei sacra seruent: quando neque apud eos è quorum vsu est proditiō eiusmodi hominum genus vñquam bene audiat.

Ger-

Germanæ fidelitatis in proprij com-
modi aspernatione, exemplum.



*Si est tibi servus, sit tibi quasi anima tua: quasi
fratrem sic eum tracta. Eccles. 33, 30.*

CANIS INVIDI ET BOVIS.

VILLATICVS quidam canis in amœnissimo quodam prato volutatu, latratu, natatione atque id genus aliis oblectamentis genio indulgens, ut bouem eò pastum procedentem cerneret, arcere ipsum intemperanti petulantia atque insolentia à pastu consueto impensè conatur: bos importunum canem comiter compellans, ne sibi suo iure utenti faciat iniuriam, aut à pastu excludat obsecrat, cum quòd neque suo ha dapes palato conveniant, tum quòd nihil in ea pascua ipse iuris obtineat: at frustra cum iniurio rationum momenta aspernanti, bos contendit; nam etsi fœnum suis non servire visibus minimè inficietur, haud mediocrem tamen sibi oblectationem voluptatemq̃ afferre.

VSQVE ADEO deprauata plurimorum hominum sunt ingenia, ut quibus ipsi frui bonis nequeant, ea aliorum visibus inuideant, malintq̃ omnia pessundare quàm alienæ egestati permittere.

Æstuans

Æstuans inuidiæ nocendi libido.



Rursus contēplatus sum omnes labores hominum, & industrias animaduerti patēre inuidia proximi. Eccles. 4, 4.

E 3

EQVI

EQUI ET ASINI.

INGENTI sarcina onustus Asinus, & equi
 una secum iter facientis pabulum baiulans cum
 oneri succumberet, equi auxilium implorat; qui
 nulla asini miseratione motus, otio ac voluptua-
 ria vita commodis lasciuens, ad comitis preces
 obsurdescit; exspirat onere enectus asinus. id dum
 agaso conspicit, grauiter admodum petulco salien-
 tiq; equo succensens, qui partem laboris in se susci-
 pere recusarat, iisdem quibus antea asinum, one-
 ribus premit, ac plagis emollitum suo maximo do-
 cet incommodo immiti feritate deposita, pietatis
 ac mansuetudinis affectu aliorum miseris & a-
 rumnis condolescere.

NON iniuria istorum hominum miseris insulta-
 tur, qui vsque adeo secunda fortuna insolescunt, vt non
 dico proximi calamitatibus non moueantur, sed iis etiã
 opitulari renuant, qui pro ipsorum salute vitæque com-
 modis, maximos labores exantlarunt.

Iustum immisericordiæ præmium.



*Anima impij desiderat malum, non miserebitur
proximo suo. Prouerb. 21, 10.*

*Alter alterius onera portate: & sic adimplebitis
legem Christi. Galat. 6, 2.*

E 4

COR-

CORVI ET VULPIS.

VULPES sui semper similis cum religio-
sum ducat à maiorum degenerare moribus, susq;
deq; habet quem suis fraudibus impetat, neque eo-
dem quo ipsa, improbitatis iure perfusa, parcit:
itaque coruum opimi casei frustum rostro gestan-
tem ac arbori insidentem dum conspicit, laudare
etiam atque etiam ipsius plumas, dignumq; præ-
dicare si sylvestre eius ingenium plumarum can-
dori (mendaci illud assentatione) responderet, cui
obsequium reliquæ aves præstent; quem sibi etiam
regem eligant: quæ laude corvus gestiens dū cro-
cire, veluti commendantis applaudens encomio,
incipit, Vanè seipsum titillans, casei frustum ex
ore cadere permittit: quod dein à vulpe hoc vi-
delicet venante ut assentatione epulum eliceret,
excipitur.

ASSENTATORVM ex sunt artes; ut verborum
lenociniis laudum ac popularis auræ cupidorum ho-
minum mentes incantando, opes ac facultates, vel de-
rifa demum ipsorum dementia, deglutiant.

Dam-

Damnosa incautis assentatio.



Homo qui blandis fictisq; sermonib. loquitur amico suo, rete expandit gressibus eius.

E 5 RA-

QVALIS inter ranas muresq³ belli (quod peruetusto Homérico carmine nobilitatum est) tempore quondam fuit contentio, non dissimilis, rebus inter ipsos compositis (discordia etiam inter amicos gliscente) rana muriq³ æmulatio fuit. rana etenim pastui saginæq³ quærenda, iuxta littus oberrans dum murem conspicit veteris similitatis recordata, ultionis adesse tempus rata, sinistri nihil suspicantem musculum ad prandium inuitat, sublaturmq³ humeris per aquas subuecturum se pollicita, dum in mediis esset undis excutit submergitq³: at maximo suo malo veteris inimicitie refricans memoriam, dum ab hoste reluctante haud ita facile expediri posset, vulturi aduolanti uterque præda fit.

HABET eã in hominum morib. affabulatio energiam, vt improbos demonstret rarissimè vel numquã supplicium euadere: nam quod ait Horatius, Raro antecedentem scelestum deseruit pede pœna claudo: ita & mus exfoleti propemodum delicti, & rana præsentis muricidij luit pœnas.

Præda hostium ex amicorum
discordia.



*Omne regnum in seipsum diuisum, desolabitur;
& domus supra domum cadet.*

Luc. II, 17.

RA-

CUM fors optimū quendam in amœnissimo
 prato bouem rana conspiceret, ecquid ipsa tantil-
 lo corpore sit, boue interim insigni mole, cornuta
 fronte, superbis palaribus ornatū ostentante, que-
 ritur: ac boui appropinquans, propriā humilitatē
 calūniata, cū se superba quadā iracundia exiliens
 ultra vires, bouis magnitudinē equare conata,
 attolleret, media crepat, iliisq; ac sanguine humo
 asperso, discit docetq; non esse hoc alterius virtutē
 æmulari. sua conditionis ac viriū oblitum, arro-
 ganter cristas erigere. atq; opportunè hac à ridente
 boue reprehensione perstringitur: Cedo misera cur
 tibi præstitisset mihi corpore fuisse æqualem? scilicet
 ignorabas quamplurimos tibi perferendos fuisse,
 labores ac molestias, à quib. te natura corporis
 exigui beneficio vindicauit.

IS OPPIDÒ omniū calculis felix censendus est, sua
 qui viuit forte contentus; tantoq; est beatior in humili
 vitæ genere, quàm in fastigio rerum collocatus, quanto
 pauciorib. rebus indiget, quantoq; eius venter minus,
 ut inquit ille, quàm alterius capit.

Præpostera & inutilis arrogantia.



Superbum sequitur humilitas, & humilem spiritu suscipiet gloria. Proverb. 29, 23.

Tu humiliasti sicut vulneratum. Psalm. 88, II.
CRE-

CERVI SEIPSVM IN FONTE
CONTVENTIS.

CERVVS corpore membrisq³ in fontis latice attentius consideratis, pedes plus quàm par erat vituperiis maledictisq³ incescit, cornibus omne decus laudemq³ attribuit, hoc unico venustatis ac magnificentia ornamento gloriatur, ignarus equidem adhuc quid pedes possent, quantum cornua obessent; nam cū per patentes campos pedum beneficio venatorum manus effugeret, atq³ ad virgulta non multò post vepresq³ perveniret, his cornibus irretitur, ac canibus fit præda, à quibus laniatus præposterarum suarum laudes incusans, pedes qui se toties antea servarant, vituperasse ingemiscit, laudasse autem stolidè hosce ramos, qui sibi interitūs mortisq³ causa extitissent.

PLERISQVE omnibus singulari quadam naturæ depravatione hoc vitium innatum est, ut spretis iis quæ quammaximè nobis vsui sunt, vltro perniciofa accersamus, fastuque ac superbia tumidi nobis ipsis calamitatum omnium fenestram aperiamus.

Stul-

Stulta laudis ac vituperij per-
mutatio.



*Arrogantia tua decepit te, & superbia cordis
tui. Ierem. 49, 16.*

*Vae, qui dicitis malum bonum & bonum malum.
Esaia 5, 20.*

COLVMBARVM ET ACCI-
PITRIS.

CUM Miluus implacabile contra columbas bellum atque inexpiabiles inimicitias suscepisset, (quî enim potest glutonibus rapacibusq; cum quouam nisi commodi caussa conuenire?) neque ullis umquam induciis locû faceret, diuturna hostis afflictione victa columba, dū charybdim euitare conantur, in Scyllam peioresq; scopulos incidunt: accipitris enim opem implorant, quæ ipsis presidio contra Milui impetum esset; atque adeo regem hunc sibi etiam deposcunt. famelicus ille conditionem acceptat, imperiumq; ita in innocentes exercet, ut non magis foetui quàm matribus parceret, sed & has & illos deuoraret.

IN tyrannos principes, regiamq; impotentē dominandi libidinem, qui pro libitu violata fide seipso legibus soluētes, omne truculentiae genus in subditos designant, parū illud attendētes quod sanctissimè ab Imperatore dictum est lib.6. C.tit.de testam. Licet lex imperij iuris solemnibus Imperatorem soluerit, nihil tamē tam proprium imperij est, quàm legib. viuere: quapropter tyrannorum contra tyrannos sollicitanda non sunt auxilia.

Tyrannorum sollicitatum auxilium.



Ecce confidis super baculum arundineum confractum istum, super Aegyptum: cui si innixus fuerit homo, intrabit in manum eius, & perforabit eam: sic Pharaon rex Aegypti omnibus qui confidunt in eo. Isaia 36, 6.

F

CER-

CERVI ET EQUUS

CERVI etiam odio equus, sed impari ratione meliusq; promeritus, utpote qui dolo malo ageret, columbis nil mali umquam comminiscen-
 bus, humano auxilio accersito, sibi exitium parat, pollicitus se homini post navatam operā quacumq;
 in re obsecuturum: conditionem urgente equo, ita homo accipit, si se sessorem, frena, calcaria, &
 id genus quæ ad debellandum ceruū necessaria vi-
 debuntur, pati non recuset; passurum se hac &
 plura, modò ceruus vincatur, equus annuit. homo
 igitur equo consenso ceruum insequitur, teloque
 sternit: atque ob eam rem summis ab equo laudi-
 bus affectus blandè compellatur, rogaturq; uti se
 dimittat: Verum tantum abest ut libertatē con-
 sequatur, aut se amicis verbis redimat, ut ho-
 minis etiam voluptati, submisso in alterius per-
 niciem collo ingo, servire coactus, intolerandis ope-
 ris pressus, vitā ad extremū arumnosè finierit.

IVSTAM illi Neime fin experiūtur, ac digni sunt, qui
 malè pereant, qui ut aliorum vitā in discrimen adducāt,
 turpi seipso atque ignominiosæ servituti addicunt.

Inquietum alienæ felicitatis odium.



Lacum aperuit & effodit eum: & incidit in fo-
neam quam fecit. Convertetur dolor eius in
caput eius: & in verticem ipsius iniquitas eius
descendet. Psalm. 7, 16, 17.

VULPIS ET HIRCI.

UNA Hircus atque Vulpes aestuante siti vehementer pressi, in cisternam quandam defiliunt: ac hircus proclivi quidem descensu, ascensu non itidem aequè facili considerato, Vereri se inquit, ne ibi capiatur, maximeq; hoc laborare quonam pacto se ex hoc loco expediat: quem Vulpes bono iubet esse animo; euadendi se viam iam animo concepisse, si prior ipsa è puteo ascendisset. monet igitur hircum ut anteriorib. pedibus contra murum erectis, capiteq; modicè inclinato scala sibi vicem subeat. id ubi hircus fecisset, ac Vulpes cisternæ marginem, extra omne periculum constituta, obtineret, hirci his verbis taxat inconsiderantiam: Si tanta menti tuæ prudentia, quot barba ac mētopili, inesset, haud tam temerè scrobem, egrediendi ratione non præmeditata, ingressus esses.

PRUDENTIS est ita rerum antecedentia & consequentia ponderare, ne inconsiderata temeritate in discrimen veniat.

Falla-

Fallacis credulitatis exitium.



Qui citò credit, levis corde est, & minorabitur.

Eccles. 19, 4.

Abominatio Domini est omnis illusor.

Prouerb. 3, 32.

F ;

LEO-

LEONIS ET VRSI.

LEO omne quadrupedum genus (in hac enim ipsum tenere imperium nemini incognitum est) ad bellum quod animo versabat, instructum paratumque esse iusserat: hic vrsus cum fors duorum asini & leporis meminisset, ecquid hic pauidissimus animantium contra hostem prestare, aut iste ob insignem stupiditatem bello usui esse possent? asinum quidem ait leo dum incondite rudis, quibus metum incussurum (eandem fortassis vim quam porci grunnitu contra elephantos obtinent) at leporem ob singularem suam celeritatem pedumque pernicitatem, speculatoris ac hemerodromi simul functurum optime munere, rerumque quae in bello gererentur, ad suos nuntios allaturum.

VIGILANTIS Reipubl. administratoris est subditorum suorum ita habere explorata ingenia viteque rationem cognitam, ut nullius vel vilissimi inutilem publicis commodis patiatur esse operam.

Vtili-

Vtilitas Reipublicæ è singulis
membris.



*Sed multò magis quæ videntur membra cor-
poris infirmiora esse, necessaria sunt.*

1. Cor. 12, 22.

F 4

MV-

MVRIS ET NITEDVLAE.

MVS quidam à Nitedula (agrestis muri hoc nominis est) inuitatus, ac frugali pisarum ferculo exceptus, percipiens pari eam comitatem beneuolentia compensare, nitedulam vicissim inuitat, atque cum mure ad domesticas epulas properat; limen transgressa, splendidum quidē rerum omnium dapumq; apparatus inuenit; Verum ut inter conuiuandum crebrius à puero penariū ingrediente sua gaudia interturbaretur, adeoq; opparata illae dapes redderentur insipidae, muri his verbis se non magnopere intempestiuo hoc conuiuio delectari declarat; Quanto, inquit, mecum ac securè mihi viuere est incundius, quàm in hac tanta rerum abundantia formidolosis deliciis diffuere!

PRIVATAM curisq; solutam vitā, publicæ multò & securiorem & amceniorē esse monet fabula; tenuemq; mensam nitenti, regiisque dapibus, frugalem vulgi victum multo esse sæpenumero sapidiorem.

Deli-

89

Deliciæ periculosæ, secura frugalitas.



Statim eam sequitur, quasi bos ductus ad victimam, & quasi agnus lasciuens, & ignorans quòd ad vincula stultus trahatur.

Proverb. 7, 22.

F 5

AV-

AUCVPIS ET TVRTVRIS.

INDVSTRIVS quidam auceps nulli arte sua secundus, cum fors autumnno in arundineto, aucupij faciendi causa delitesceret, raraq; tetendisset turdis (ut inquit ille) edacibus retia; neque turturi, ut fit, lucri cupidine, minus quam reliquis insidiatur auibus; eumq; sua subdole in retia illexisset, à colubro ex arundineto prorumpente lethali morsu sauciatur, præsentisq; mali memoria occupato aucupe, è cassi turtur elabitur; eiq; hisce verbis auolans insultat: Verè nunc fatue quòd tanto astu ac molimine nostræ innocentia ac integritati insidiatus sis, pares sceleribus tuis diis ultoribus pœnas rependis, eandemq; in teipso experiere necem, quam nobis molitus fueras.

RATIONI consentaneum est, ut scelerum suorū ac crudelitatis talionem recipiant, omniumq; ope destituantur, quibus malè aliis facere volupe est.

Infi-

Insidiæ insidiatori insidiosæ.



*Non affliget Dominus fame animā iusti, & insi-
dias impiorum enertet. Prouerb. 10, 3.*

MON-

MONTIS PARTURIENTIS.

MONS quidam maxima accolarū ac prae-
tereuntium admiratione se huc illucq; commouēs,
quamplurimos viatores sistit, alios rei nouitate
ad se videndum excit. iamq; conferta turba au-
diſſimè quorsum hic assiduus motus euasurus esset,
exspectanti, Faceſſite hinc properè, inquit, quando-
quidem iam iam pariturus sum. quo montis mu-
gitu non modò hominibus, sed & tellure, uti ve-
riſimile est, perterrita, dum horrendum aliquod
monstrum opperirentur, murem erititur, cun-
ctosq; summa antea formidine insoliti aliquid ex-
spectantes, in risum resoluit.

TVM rectè parturire montes dicimus, cūm thraſo-
nica ingenia plenis buccis, spretis cōtemtisq; aliis glo-
riosè de se multa iactitare, reipsa verò non modò nul-
las laude dignas actiones edere, sed tales etiam quibus
se omnib. deridendos propinent, cernimus,

Fal-

Falsæ rerum vmbraë.



*Vidi impium superexaltatum, & eleuatum sicut
cedros Libani. Et transiui, & ecce non erat;
& quasiui eum, & non est inuentus locus eius.
Psalm. 36, 35, 36.*

PA-

PAVONIS RELIQUARVM ALITVM
REGIS ELIGENDI.

NE AVIBVS suum non deesse regem quenquam turpi quadam inscitia fugiat, sollicitā in eo deligēdo deliberationem hisce fabulis assuā. Comitibus indictis, cum de diuersis consultarent, ac pavonis magnificentiam decusq; pennarum consideraret, in eius pænē electionē omnium suffragiis consensus est: iamq; regia dignitatis apicē consecutus haud dubiē fuisset, nisi solus picus reliquorum rogationibus obsistens, anquisisset, si quid ab hostibus periculi immineret, quonam propugnatore usura essent; neq; enim ea rerū facie idoneum fore pavonē rei administrandæ, cui si pennarum venustatē demas, nihil quod rege (cuius est punire malos ac remunerare bonos) dignū adsit, uti qui neq; viribus niti posset, neq; militaris sciētia cognitione.

FORMAM regiam, si corporis solam dimensionem atq; analogiā consideres, exigua ac pænē nulla in principe laude dignam esse, nisi virtutum decus cumulusq; accedant, pavonis elegantia picus conuicit.

Re-

Regis ac magistratus officium.




Vae tibi terra, cuius rex puer est. Eccles. 10, 16.
Beata terra cuius rex nobilis est. Eccles. 10, 17.
 BO-

BOVEM habens villicus ac vitulam, splendide hanc otioseq³ saginabat; illum agricolatione ac quotidianis laboribus ita subigebat, ut abdomini coërcendo alio exercitio egeret nullo: adhuc ei insultare vitula lasso ac defatigato domum à laborib. redeunti consueverat, afflicto dando afflictionem, arumnosum, uti verè erat, non citra fastidium vsque compellando. at bone paulò post diu beneq³ saginatam vitulam mactandam ad carnificinam deduci vidente, suam conditionem trutinat, arumnosam felicitatem vehementer laudat; esse hanc laboribus obnoxia vitam, multis nominibus, vitula voluptuaria præferendam, iudicat, eaque seipsum ratione in posterum consolatur.

VITULAE nos exitus hortatur, rarissimè fieri, ut voluptas mærorem secum non trahat; cumque in bonorum ac malorum fine ac felicitate iudicanda tam facile cæcutiamus, nullius nos debere apparenti beatitati invidere.

Damnosa & infelix felicitas.



*Qui operatur terram suam, satiabitur panibus:
qui autem sectatur otium, replebitur egestate.
Prouerb. 28, 18.*

G

BV-

BUTEONIS ET CORNICIS.

BUTEO cū ostreum in littore maris reperisset, vehementerq; in eo aperiendo laboraret, neque quicquam proficeret, videns id cornicula commodū sibi hic aliquid scri rata, callidū commenta consilium Buteonem accedit, monet ut in altum subuolet, ostreumq; in saxum aliquod delabi permittat, ita fore ut petra illisum, comminuta testa facile aperiatur. Buteo dolum non olfaciens, sed sanum sibi suppeditari consilium arbitratus, dum hac aperiendi ostrei ratione uti conaretur, cornix aduolans, delabens ostreum bolumq; quē tam anide expectarat, excipit, ac Buteoni praripit.

IN fraudulentis in posterum consiliis facilem nimis aurem præbentes, ac nimium leuiter credentes, quibus hoc plerumque usu venire solet, ut facilitate sua decipiantur.

Frau-

Fraudulentum consilium.



*Consilia impiorum fraudulenta. Prouerb. 12, 5.
 Rapinas meditatur mens illorum, & fraudes
 labia illorum loquuntur. Prouerb. 24, 2.*

G 2

AQVI.

A QVILÆ ET CORVI.

DVM è conferto optimarum omnium grege fertili latissimoq; campo pascente agnū Aquila correptū in aëra auolans sustolleret, atq; id fors coruus ex proxima arbore cerneret, presumptuosa quadā virium suarum fiducia pessimū aquilinæ rapacitatis exemplum amplexus, pinguißimi cuiusdam arietis dorso innolans, dum altius ungues cuti defixisset, neque improbo conatui fortuna fauisset, frustra se id attentasse edoctus cui impar esset, auolandi sibi facultate adempta, ab opilione capitur, dignus qui suam graui supplicio violentam temeritatem indolescat.

VLTRA vires nihil cuiquam attentandum est; ac meminisse oportet eos qui præcipiti audacia quiduis aggrediuntur, seipfos suaque omnia perdere: atque vt sapientissimi Epicteti sententiam superiorib. connectā, si quam personam quæ vires tuas superet indueris: tum eam indecorè geres: tum eam quam sustinere posses, negliges.

Vtilis sui ipsius notitia.



Altiora te ne quesieris, & fortiora te ne scrutatus fueris. Eccles. 3, 22.

G ;

GAL-

GALLI GALLINACEI GEMMAM

I N V E N I E N T I S.

GALLVS gallinaceus pabulū in fimoeto quaeritās, pretiosissimū sorte adamantē inuenit: quem cum rostro aliquoties pinsuisset, neque ullum ex eo ad se commodum permanaturū disceret, utpote quem nec comminuere, nec in suam alimoniā conuvertere posset, indignabūdus eum aspernari, triticiq; vel siliginis granum ei longē anteferre incipit. Ecquis, stomachanter inquires, huius gemmae usus? cur illa est mortalibus in pretio? cur eius caussa ultimas terras tanto cum periculo explorant? mihi sanē nunc penitus, quotquot eam tanti faciunt, desipiunt, neq; vident quantum vnicum frumenti aut adorei seminis granum isti praestet.

Cum fabula lippis & tonsorib. sit notissima, neque vlla alia quæ vulgo sit familiarior, mirandum est, nullius minus vsum persentiscere homines: quot enim quotidie reperire est, qui non quiduis temeraria quadā ignorantia calumnientur ac vilipendant, eoq; doceant populari sermone tritam hanc sententiam esse verissimam, Scientia non habet osorem nisi ignorantem: neque hallucinatum poëtam cum diceret,

Ignoti nulla cupido.

Igno-

Ignoratus opum vsus.



*Quid prodest stulto habere diuitias, cum sapien-
tiam emere non possit? Prouerb. 17, 16.*

G 4 APRI

APRI ET ASINI.

APER quondam Asino tarditatem atque somnolentiam obiectans, videri sibi ait eò natū, ut in bustuariis ac inter fœtida cadauera vitā degat, indignum qui cum reliquis animantibus conuersetur, aut quem ad suos etiam homo usus, licet vilissimos, adhibeat; propriam autem agilitatem ac vires inuidiosa laude decantat, ac cursu etiam pernicitatis specimen edit: asinus gloriosam apri ostentationem, atque immodicas laudes nauseans, Ea mihi, inquit, pedum agilitate opus non est, cuius vitæ, uti tuæ, insidiatur nemo.

DISCIMVS eos ut plurimum multis rationibus esse feliciores, securiusque vitam traducere, qui vel ob animi tarditatem doli expertes sunt, vel quòd publicas functiones ac Reipubl. administrandæ munia eiurarent, non magnopere popularem auram confectantur, his, quibus vberem natura ingenij sagacitatem condonauit.

Stoli-

Stolida ac inutilis præsumptio.



Quid nobis profuit superbia? aut divitiarum i-
stantia quid contulit nobis? Sap. s, 8.

G S

DVEL-

DVELLI VOLVCRVM, QVA-
DRUPEDVMQVE.

CUM inter aëreas terrestresq; bestias graue quondam periculosissimumq; bellum, aut de potiorum ac imperij finibus propagandis, aut damni iniuriave ab alterutra partium alteri illata (incertum enim adhuc est, ac vetustate oblitteratum, qua fuerint discordiae bellicae semina) exarsisset, Vespertilio Volucrum generi tamquam debiliori metuens, diu anceps, quadrupedibus se demum adiunxit: Verum auibus victoriam fortuna suppeditante, fugam una cum quadrupedibus capessit Vespertilio, atq; ex eo ob infidelitatem suam, non ausa ad aues remeare, interdum perpetuo delitescit, ac noctu male sibi conscia, enolat.

IN scelestos ac improbos proditores, quos vtinam etiam hoc tempore pudor ac criminum conscientia ex omnium oculis eximeret, obiter & in mercenarios illos homines, qui nulla aequitatis habita ratione, duarum controuersarum partium hanc tuendam suscipiunt cui fortunam magis comitem, quam ducem virtutem fore sperant.

Infidelitatis comes infamia.



Qui non est mecum, contra me est: & qui non congregat mecum, spargit. Matth. 12, 30.

Omnis qui male agit, odit lucem. Ioan. 3, 20.

RA-

RANARVM ET REGIS EA-
RVNDEM.

ANARCHIÆ ne an Democratia; neque enim illud certò ausim asseuerare, alterutrius certum est; pertasæ ranae, regem sibi à Ioue postulabāt. ille rogantium crebris precibus ac importunitate fatigatus, annuit, truncumq; è calo in mare deturbat: qui cū regis auspiciis atque magnificentia regni gubernacula suscepisset, moderatig; ac indulgentis regis personam præ se ferret; rana noui atque insigni humanitate conspicui regis faciē contemplata, non se talem regem qui ex animis sit poposcisse aiunt: ac poscentibus alium, ardeam ipsorum regni, pacati antea ac tranquilli, depulatores, ob ingratitude, mittit Iupiter.

QVANTVM Reipubl. intersit optimos habere principes, quantoque sint regnis vsui, & quàm ex aduerso sanguinarij & crudeles graui ruinæ, ex hac liquet fabula, quæ & seruilem eorum taxat animū, qui moderata popularis imperij dulcedine (vti olim Israëlitica gens Iudicum administratione) pertæsī, monarcham ac regem sibi efflagitant.

Pœna populi ob fastiditum bonum principem.



*Qui regnare facit hominem hypocritam propter
peccata populi. Job 34, 30.*

LVPI ET CAPRÆ.

PABVLATVM Capra abiens, obseratis foribus capella scrio mandat, ne cui pulsanti ostiū patefaciat: id fors in insidiis latens lupus ignara matre audierat, ratus idoneam eius absentiam suæ nequitia fore. è vestigio ad caprile properat, ostium pulsat, intromitti se postulat: Capella autem materni mandati non oblita, cum per fenestram ecquis esset aut quid vellet percontaretur; matris hypocrita personam induit, cupere se intromitti. illa se cuiquam aperturam negat, qui nō consuetum matri symbolū proferat. lupus se quidem eius oblitum ait, at ut intrepidè aperiat instat. capella aliquid ali monstri suspicata, identidē pernegat, additq; quòd illius dumtaxat clavis præsidio aperire possit, ac destitutam se symbolo modum simul aperiendi oblitam esse.

HAVD facilè fallitur qui legum præscriptis morem gerit atque obtemperat.

Tu-

Tuta filiorum erga parentes
obedientia.



*Honora patrem tuum & matrem tuam, ut sis
longauius super terram. Exodi 20, 12.
Alienum non sequuntur [puta oues] sed fugiunt
ab eo: quia non nouerunt vocem alienorum.
Ioan. 10, 5.*

CANIS AB VMBRA DECEPTI.

IN CEDENS per pontem canis, nec asper-
 nandum mordicus ore carnis frustum gestans, cū
 maiorem suo solis radiis admodum collucentibus
 in anne umbram cerneret, esse quid magnum
 ratus, dimissa carne, avidè è ponte in aquam id
 quod apparebat apprehensurus desilit, ac serò stoli-
 dus opimo epulo amisso se deceptum conqueritur:
 nemini ne fortuna quidem suam iacturam im-
 putans, sed caca sua auaritia acceptum referens,
 quòd tali prandio priuatus esset.

M V L T ò satius est paucissima certò ac indubitatè
 possidere, quàm plurimorum incerto ac ancipiti casui
 obnoxiorum spe, quibus frueris bonis, ea deferere, fe-
 raque damni perpeffi pœnitentia, amissam fortunam
 ac pristina commoda collaudare.

Stul-

Stulta certi pro incerto com-
mutatio.



*Avarus non implebitur pecunia: & qui amat
divitias, fructum non capiet ex eis.*

Eccles. 5, 9.

H

LI-

LIGNATORIS ET SYLVÆ.

A S C I A M Lignator quidam destitutam manubrio inuenerat: eam suis usus accommo-
daturus syluam continuò adit, lignū aliquod quod
ei iniungeret, emendicaturus. obsecrantem sylua
audit, votiq; reddit compotem, unico quod pete-
bat ligno liberaliter communicato, ignara inte-
rim improbum illas animo texere fraudes, aut
versare dolos sub pectore, fucata blādaq; fronte:
inserto dein securi manubrio veluti phrenesi per-
citus ad nemus reuertitur, atque exiguo temporis
spatio casis amputatisque uniuersis arboribus
summam ei vastitatem inducit.

I N C O N S I D E R A N T I A E non modò sed & furori
extremo persimile est, hosti arma suppeditare, quibus
in nostram ruat perniciem: atque præpostero obsequē-
di gratificandi que aliis affectu nosmetipsos perdere.

Sup-

Suppeditata hosti arma.



*Benefac humili & non dederis impio; prohibe
panes illi dare, ne in ipsis potentior te sit. nam
duplicia mala inuenies in omnibus bonis que-
cumque feceris illi. Eccles. 12, 5.*

H 2


GRA-

GRACVLI PAVONVM SE PLV-
MIS EXORNANTIS.

GRACVLVS inuentis in dumeto quodam
pauonū plumis, ita se demū & pauonis nomē &
dignitatem consecuturum existimat, si suis eas
pennis inferuisset. neq; segniter id quod animo con-
ceperat re ipsa exequi conata, pulchrè eas sibi affin-
git assuitq; atq; audacula latituram se personatā
pauones sperans, eorum ingerit consortio: at ipsi
hunc qui fraude in suum nomen ac societate irre-
perat, vel ex fastu atq; arrogantia insolita con-
ditionis cognitum, suis quilibet plumis repetitis è
suo cum ignominia exturbant contubernio. gra-
culus ad suos reuersus tantis excipitur dictis,
quantis ab illis fuerat explosus, quod vana quidē
presumptione his se pratulisset, eorum autem se so-
dalitio aggregasset, quorum consuetudine indi-
gnus erat.

IN laudis ac gloriæ immodicos affectatores, qui vel
eum ignominia aliundè mutuāt quo suam vanitatem
aliis venditent.

Fastus ex alienis opibus.



*Quid autem habes quod non accepisti? Si enim
accepisti, quid gloriaris quasi non acceperis?*

I. Corinth. 4, 7.

H

3

CER-

CERVI ET BOVM.

CERVVM canes insecuti cùm in extrema adigrent, stabulum ille capeſſit boum, eorumq; ſupplex contra canum rabiem tutelam implorat. cui boum quidam ita petenti reſpōdet: Ah te miſerum, viden' quàm tibi debiles eligas vindices? attamen cùm in extrema deuentum ſit, reconde te in hoc fœno; nos te obiectis corporibus quantum licuerit occultabimus. ingreditur interea magiſter ſtabuli, ac ceruum ſtudioſè inueſtigatum multis verberibus emollit enecatq;.

TVM verè poteſt dici ad reſtim rediſſe res, cùm calamitoſi eorum qui ad extrema redacti ſunt, neque minori quàm nos, calamitate obruuntur, opem imploramus, adeoque eſt deploratorum infortunata conditio, vt quamuis diu ſeipſos fulcire ac ſuſtentare conentur, ad extremum tamen miſeriæ ſuccumbant, neque è calamitatis gurgite eluctari poſſint.

De-

Deploratum ac desperatum
auxilium.



Et dixerunt: Non videbit Dominus.

Psalm. 93, 7.

Intelligite insipientes in populo: Qui finxit oculum, non considerat?

H 4

LEO-

LEONIS PRÆDAM ASSECLIS
VENATIONIS DISPERTIENTIS.

LEO famelicus cū Vestigatore cane, lupo ac
vulpe ad Venationem proficiscitur; eiq; ceruus fit
præda, quē quadrifariam hac vel simili (ne quid
ei falsò affingamus) oratione sociis diuidit: Vestrū
nemo est, sodales, qui sibi & generosissimi & iure
ceterorū animantium regis leonis virtutes ex-
ploratas non habeat, aut qui ei tātis dotibus præ-
dito, ut reliquis longo intervallo præstet, mercedē
digno inuideat: quocirca cū in expeditione primus
fuerim præda diuisa, mihi primā partē vendico:
alterā propter animi præstantiā: tertiā vel ve-
stro iudicio corporis virib. debetur: quartā quòd
maiori vos conatu prædam cōsectatus sim: quod
reliquum est, vestra sit industria præmium.

MULTA dissimulare, multaq; tolerare eos necesse
est, qui in principū versantur aulis, neq; hostantū, verū-
etiam tenuioris fortunæ homines, qui ditiorū cōsuetu-
dine vtuntur, ut appositè admonuisse videatur poëta,

Pauper agat cautè, caueat maledicere pauper:

Multaque diuitibus non patienda feret.

Inæqualium infida societas.



*Pondus super se tollet, qui honestiori se communi-
cat. Et ditiori te ne socius fueris. Quid com-
municabit cacabus ad ollam? Eccles. 13, 2, 3.*

LVPI ET OVIS.

OVI diem dicit lupo, litemq; debiti nomine intendit: illa contra suo iure usa indebiti sese exceptione tuetur. lite contestata ad testium asylum confugit lupo: canem igitur, miluum, & ultoremq; eodem omnes rapacitatis canterio iniustos, contra ouiculam subornat. ita illi contra misellam dicunt testimoniū, ut non modo lupo debere perfide mentirentur, verumetiam dignam esse pronuntient, quæ omni sua fortuna, facultatibus ac possessione deturbetur, ac morte etiam debitū luat. illa crudelem ac pertinacem potentiorū vim formidans, nequiquā se defendere conata, atroci calumniantium iudicio opprimitur.

INIQVORVM iudicum insignis contra innocentes malitia ac corruptæ sententiæ hac fabula perstringuntur; quanta item sit pseudomartyrij seu falsi testimonij contra innocentium bona, opes ac vitam deniq; ipsam vis, innuitur.

Inno-

Innocentia iniquo iudicio oppressa.



Non facies quod iniquum est, nec iniuste iudicabis. Non consideres personam pauperis, nec honores cultum potentis. Iuste iudica proximo tuo. Levit. 19, 15.

LE-

LEPORVM PANICO TERRORE
PERCITORVM.

LÈPORES è densissimo quodam nemore
maxima vi ventorum tempestatumq; agitato,
subito terrore commoti dum diffugerent, fit ut
attonitis incerta fuga palantibus sese palus vanis
scatens offerret; aquam ea fortè maximo numero
ad solem apricatura egressa, in littore consederat:
at leporum inopinato aduentu exterrita in aqua
sese abdunt. quod dum conspicerent lepores, & has
maiori impetu quàm ipsi antea, diffugere ani-
maduerterent, ex timore sese colligunt, sumptisq;
animis, sistamus nunc gradum, inquiunt, quando
hic etiam animantia esse comperimus quæ nostri
metu fugam capiant.

IN timidos & meticulosos milites qui abiectam
hastam ac parmam tunc resumunt, cùm hostem terga
obuertere vident, tum maximè strenui vbi se extra pe-
riculum constitutos esse certò sciunt.

Infra-

Infamis audacia.



Nolite timere eos qui occidunt corpus, animā autem non possunt occidere: sed potius timete eum qui potest & animam & corpus perdere in gehennam. Matth. 10, 28.

VVL-

VVL PIS ET VVAE RACE-
M O R V M.

VVL PES delitescantibus sub pampinis maturrimarum uvarum racemis visis, loci fertilitatem amœnitatēque ubi ea enascebantur mirum in modum cœpit cōmendare, ita ut propemodum ad earum laudum cumulum accedere nil posset. at cū in decerpēdis liuidioribus præstantioribusq; admodum laboraret, nec quicquā de ea industria reliqui fecisset, non satis autē pro voto conatus succederent, sed irritam suam fore operam experientia disceret, quas modo summo desiderio ambiuerat, immaturas iam agrestesq; calumniatur, suamq; in ea solitudine (quo nomine vinetum per indignationem nominat) agrestes consectando uvas, malè insuntam increpat industriam.

NOTAT eorum vafritiem fabula, qui cū ea consequi nequeāt quibus maximo labore ac indefesso studio incubuerunt, occasione è quavis re captata, falsa quadam calumnia aspergunt.

Ficta

Ficta eius quod haberi nequit
recusatio.



*Fatuus statim indicat iram suam: qui autem dis-
simulat iniuriam, callidus est.*

Proverb. 12, 16.

SIMII ET FELIS.

BALANITES (sic enim Plinius grandiorū castanearum genus nominat) cocum prunis supposuisse notarat simius: quas cum percupide bene tostas appeteret, neq³ eximēdi modum inueniret; catulum felis negotio destinat, eius pede anteriori arrepto castaneas ex igne profert. illa æstus vim persentiscens cum simio ex postulans, adeò sibi atque simio teneram esse cutem asserit, ideoq³ ex seipso debere se capere exemplū infirmitatis alterius. simius paucis eius querelas eludens, se quidem non ire, respōdet, infitias, habere præsens aliquid difficultatis negotium, ceterum se non debere cum laborem qui minimus sit omnium, detrectare, quòd iniquum sit otiosè quenquam vivere.

CALLIDI ac simulatoris simij persimiles sunt, qui in grauissimis periculis priuatæ utilitatis causa aliorum vel cum extremæ vitæ discrimine pulchris persuasionibus inductorum opera vtuntur, ne pili quidem alienam iacturam facientes, dummodo ipsi extra fortunæ aleam constituti sint, atque ex alieno damno lucrum faciant.

Lucrum aliena iniuria partum.



*Hi sunt in epulis suis, macula, cōuinantes sine ti-
more, semetipsum pascentes, nubes sine aqua qua
à ventis circumferuntur. Epistola Iuda 12.*

I

EQVI

EQVINVS pullus assiduis quidem ac quotidianis laboribus, sub miti tamen ac clementi domino exercitatus, suam deplorabat conditionem, neque esse quicquam suo iudicio arumnsius autumabat. quæ cum eius animum opinio vehementer exagitaret, vitæq; rationē asperiores redderet, incidit fortuito in obsoletum quendam asinū, cui quamvis præter venustatem corporisq; deperditum vigorem ipsa ætas oneri esset, carruca nihilominus admodū onusta antilena imposita iuncto, durus agaso insidebat, verberibusq; immaniter propellebat. quo conspecto sua & asini sorte comparata, ita è vestigio omnem ex animo molestiā deponit, ut simul se consuetis laboribus & molestiis liberasse videretur, ac facilius in posterum suam conditionem ferret.

HAVD mediocre miseriarum est solamen, socium non modò habere pœnarum, verumetiam nobisipsis grauius videre subinde premi alios.

Leuior calamitas ob maiorem
proximi.



Christus passus est pro nobis, vobis relinquens exemplum, ut sequamini vestigia eius.

I. Pet. 2, 21.

I 2

FER-

FERRARII FABRI ET CANIS.

OPEROSIS ac cōtinuis laboribus faber quidā ferrarius parcè ac duriter victitans, ita ut nudo pane & aqua sustentaretur, catellum suum assuefecerat, ut statis horis interdiu prandium cœnamq; postularet. ipse tandem ingrauescētis ætatis onere, laborū assiduitate, tenui victūs parsimonia impatientior factus, suū his verbis canem adoritur: Ego meipsum inexhaustis quotidie laboribus ut vinū eneco, carnēq; ac sanguine absumtis sola cute ossibusq; veluti in ergastulo animam infelicem excrucio; tu otiosus indulges genio, ventrē curans, pingui omaso obesus evadis. at ab obloquente cane nil aliud fert responsi quàm, qui deliciis ac quieti assueverit, eaq; ratione incundissimè tēpus traducat, cur is laboribus ætatem fallere debeat?

TALE est glotonum ac lurconum genus qui ex aliorum sudoribus otiosè vivere non erubescunt, illudque perpetuò obganniant,

— Deus nobis hac otia fecit.

Indi-

Indignum ex alieno labore otium.



Nam & cum essemus apud vos, hoc denuncia-
bamus vobis: quoniam si quis non vult ope-
rari, nec manducet. 2. Thess. 3, 10.

I 3

VVL-

VULPIS CAVDAM MVTILATÆ.

DUM villici cuiusdam stabulum venatura fors quippiam subiret vulpes, atq; se in manifestum adeò discriminē coniecisset, ut cauda ab insequenti villico resecta, metus gaudiq; ob pristinā periculi memoriam & insperatam salutē plenissima elaberetur, ad suas κοιλίῳ monstrū gregales reuersa, magnam se venustatis partē perdidisse animo versans, solamq; inter reliquas singulari ignominia nota insignitā, appetuisse ait tēpus quo vulpibus infame sit gestare caudas, ideoq; se suam amputasse, ac reliquis ut idē faxint, consu-
lere. At vulpinam vulpes fraudē odorans, quādam è grege ita regerit: Scilicet tibi id tēpus appetiit, quo tuo exēplo discant reliqua si tibi ista cauda recreuerit, tuas illas pulchras nates non iri visum in posterum quæ nunc omniū patent oculis.

EA EST humanæ mētis scelerata ac deprauata natura, ut in quā eam fortuna miseriam deturbauit, huic aueant omnes esse obnoxios.

Conf.

Consilium ob rem priuatam im-
pertitum.



*Gravis est nobis etiam [puta iustus] ad videndū,
quoniam dissimilis est aliis vita illius, & im-
mutata sunt via eius. Sap. 2, 15.*

I 4

HA-

HALIÆTI SEV FALCONIS ET ALIARVM AVIVM.

NATALEM suum diem celebraturus Haliaetus, solennem omnibus avibus diem edicit, maximisq; precibus ad eam omnes inuitat, ne frustra fecisse sumtum ac festas instruxisse dapes ullis conuiuis videatur: illa veluti è profundo quodam somno leto nuncio excitata, non modò Haliaeti liberalitatem non aspernantur, sed se etiam fore insigniter iudicant ingratas, si vltro offerentis beneficiū humanitatem nō amplexarentur. ac heu nimium credula ad ipsius ades aduolant, omnia gaudij letitiæq; sperantes fore plenissima. at per infaustum limen vixdum ingressas ferus Veterator immaniter ad unum omnes dilaniat: discerpitque.

VOLUPTATES corporisque illecebras dolor indiuuius comes vt plurimum veluti vmbra corpus sequitur: atque hac ipsa, vt ex Platone recitat Cicero, esca malorum homines veluti hamo pisces capiuntur.

Melli

Melli mixta venena.



*Sepulchrum patens est guttur eorum: linguis suis
dolose agebant. Psalm. 13, 3.*

*Quorum os maledictione & amaritudine ple-
num est: veloces pedes eorum ad effundendū
sanguinem. Psalm. 13, 3.*

I. 5

LEO-

LEONIS DECREPITI.

PATRABAT Leo quidam *virenti ac florida etate quamplurima mala, omnibusq;* erat iniurius: qua *vita* ratione cum sibi decrepito omnium animantium invidiam odiaq; conflasset, viribus destituto impune omnes insultabant: neque ferè erat quisquã qui ei amplius veluti regi, uti metu quondam fecerant, obsequiũ obedientiamq; prestaret: quinetiam sus modò lutulentus, modò glaber depilisq; asinus, & agresti corpore taurus, omni contumelia iniuriarumq; genere afficiebant. Qua rerum conditione cum se veterẽ compẽsare malitiã liquido cognosceret; Hei me, inquit, infelicẽ, pessimè olim meis rebus consului quòd tanta in me multitudinis odia concitarim, quòd tot aduersum me hostes mea crudelitate armarim.

MEMINERINT viri principes, atque ij qui rerum potiuntur, vicibus ac mutationi suam sortem esse obnoxiam, nihilque equè valere ad suam potentiã labefactandã quàm impotentẽ dominandi libidinẽ, ac suæ fidei creditos metu in officio continere. καὶ τύχας ἐφημέρους καὶ ἐφήμερον τυράννιδας esse, & fortunæ rotam perpetuò versatilem nunc ad summa imos subuehere, nunc summos ad ima deprimere.

Odium

Odium crudelitate demeritum.



Qui te viderint, ad te inclinabuntur, teq³ prospicient: Nunquid iste est vir qui conturbavit terram, qui concussit regna? Isaia 14, 16.

HIR-

DUM se mutuo amicitia sacramento hircus & agnus iter una ingressi obstrinxissent, in amœnissimo quodam prato lupum offendunt: qui cum utriusque aliquandiu societatem contemplatus esset, ac dulcibus verborum lenociniis agnū ab hirco abducere conaretur, Hunc desere, ait, mi fili hircum, meaꝑ fructu consuetudine; nam præterquam quod gravem odorem atque mephitim exhalans omnibus oneri sit, en cornutus est æstroꝑ percitus te crudeliter quandoque enecabit. dum in eam sententiam agno lupus blandiretur, actutum, initæ amicitia memor, hircus accurrit, lupoque, apage te hinc cū malis tuis artib. ait, vel hocce loco nobis improba tua astutia, ac verborum fūco quæ fellis plus ac minarum quàm mellis habent, haud tam facile imponi comperies.

IN portu is verè nauigat, qui improborum inanibus fufurris contemptis, bonorum sese consortio perpetuò adiungit, atque is sibi demum quod è procelloso mari ac tempestatum salo eluctatus sit, maxima syrti superata, in fida statione iactarit anchoras, cōgratulari potest.

Soda-

Sodalitium cautè prudenterque
delectum.



*Fili mi, si te lactauerint peccatores, ne acquiescas
eis. Proverb. 1, 10.*

*Cum viro sancto assiduus esto, quemcumq; co-
gnoueris observantem timorem Dei, cuius a-
nima est secundū animā tuā. Eccles. 37, 15.*

MVS-

MUSCAE ET FORMICAE.

I A C T A N T I suum apud Formicam musca domiciliū victusq; rationem ita splendidā ut regium ferè luxū adaequaret, demissa ac humili voce formica sibi pro vita sustentatione multos esse exantlandos labores respondet, nihil quietæ ac otiosa domināsci: musca Verò elatis verbis magis urgens, equina similem eam esse vitam regerit, quæ sit perpetuis laboribus obnoxia. ac perbellè à formica ita repellitur: At est canina illa tua ignavorum porcorū simillima, dum impudenter aliorum sudores absumis, nec cuiquā mortaliū commodas. age Verò utra ambarum vitæ rationū præstantior sit, euentus ipse docebit. Hiems paulò post utriusque altercationem appetit, quæ musca egestate moritur, at formica è congestis æstate seminum acervis atque annona industriè curata, frugali seipsam victu nutrit.

Q V V M in mortalium vita otio ac desidia nihil turpius sit, monet formicæ sagax diligentia quemque pro vitæ suæ ratione vel minimo etiā commercio honestè potius victitare debere, quā malorum fomite ignavia ac egestate perire.

Iucundum perperam prælatum vtili.



*Vade ad formicam ô piger, & cōsidera vias eius,
 & disce sapientiā : quacū non habeat ducē,
 nec praeceptorem, nec principem, parat in astate
 cibum sibi, & congregat in messe quod
 comedat. Prouerb. 6, 6.*

DRA-

DRACONIS ET ELEPHANTIS.

DRACONES adeò vasta ac insolita magnitudinis in Africa nasci memoria traditū est, ut certamen cum elephantis inire audeant. ex hoc belluarum genere elephanto quidam congressus cum eū interimere conaretur, multiplici nexu implicitos poplites cauda innodat: at elephas se proboscide à dracone liberat. mox ei draco in collum innolat, ratus famelicæ sanguinis siti restinguenda istum præ ceteris locum esse peridoneum; ac sanguinis haustu sic eum conficit, ut nimio quæ elicuerat cruore turgidus inflatusq; in terrā prior corrueret, atque ab elephante, sanguinis exhausti copia & veneni acrimonia debilitato, labēte, opprimeretur; atque adeò plus sibi ipsi draco mali conscisceret quàm elephanti intulerat.

QVAMVIS tyranni subditorum immaniter carne ac sanguine pascantur, ipsi tamen ad extremum multo acerbiori quàm qua affecere alios, crudelitate malè pereunt.

Iusta

Iusta tyrannorum punitio.



*Tu verò Deus deduces eos in puteum interitus.
 Viri sanguinum & dolosi non dimidiabunt
 dies suos. Psalm. 54, 24.*

K


VRSI

MEL rursus ex aluearibus depastus cum ab apibus pungeretur, doloris impatiētia iracundē aluearia euertit; quod dum facit, non paucarū aliquot apum sed omnium in se aculeos cōuertit, ac multo quidem quā antea pungitur grauius, at doloris vim fert lenius. Ac rostro quidem, superciliis, auribus, oculis totoq; capite ad eū modū sauciis, ut momentaneam voluptatē ingenti nimium dolore comparasse posset dicere. Quanto, ait, mihi fuisset satius & ad præsens, quo iā excrucior, malum euitandum securius, unius apicula, mea nequitia ac iniuria prouocata punitionem tolerasse, quā vindicta cupiditate tam graues mihi poenas consciscere.

QVAMVIS vindictę quandoque locus sit (maximē si dii ultores nostras iniurias prosequantur) præstat tamen perpeti subinde quippiā quā nimis esse ad vindictam procliuem.

In-

Infortunium sibi ipsi accer-
situm.



Quis adiiciet enarrare misericordiam eius?
Eccles. 18, 3.

K 2

COR,

CORVI ET SCORPII.

CORVVM similiter vindicta nimia ac immatura cupiditas frustra, quia serò nimium, iustum quandoq; dolorem dissimulandum esse, docuit. Nam cum fors à Scorpione ictus esset, atque eum iniquiori animo dolorem ferret, raptū scorpionem in sublime sustollit, illati fors damni talionem redditurus. qui dum ita gestaretur, iteratò coruum tam graviter pungit, venenataq; cauda ferit, ut lethale virus acréq; toxicum vim per eius membra diffunderet, & vitam ei adimeret.

PERICVLOSVM est vel improbo peiorem se aggredi: crebroque fit, ut qui malum aliis machinantur, suo parent capiti insidias, atque ab iis superentur quos se superaturos sperabant.

Per-

Perniciosa vindictæ cupiditas.



*Ne dicas, Quomodo fecit mihi sic faciam ei: red-
dam unicuique secundum opus suum.*

Proverb. 24, 29.

K 3

LV-

LVPI OVINAM PELLE

INDVTI.

OVINAM lupus, dum Proteum mutatione forma imitatur, Vafre indutus pellem, ouium se gregi adiungit, ac diu quidem opilionem latuit, ad pastum cum ouibus exiens, atque à pastione ouis in morem ad caulam remeans: quo astu cū plurimis ille diuersis temporibus vitam ademisset, ac opilioni numerum pecudum minorem perpetuò recensenti, aliquandiu simulator imposuisset, detecta tandem fraude ipse agnitus nil suis sceleratis artibus profecit, Verum eodem habitu quo fefellerat de arbore suspenditur, ac dignus omnium prætereuntium calculis (qui primo visu ouem rati, mox lupum agnoscebant) eo supplicij genere, veluti qui condignam operibus mercedē meruisset, indicatur.

PHALERATA ac picturata virtute multi præditi sunt, quos si intus & in cute consideres, mortalium diceres sceleratissimos. quod hominum genus eò est perniciosius, quo serius deprehenditur, pluresq; honesti specie decipit.

E fru-

E fructu arboros cognita.



*Attendite à falsis prophetis qui veniunt ad vos
in vestimentis ovium, intrinsecus autem sunt
lupi rapaces. Matth. 7, 15.*

K 4

LV-

LVPI ET ERINACII.

Q V V M lupus quidam famelica rabie Erinacium deuorare auide cuperet, neque sui desiderij perficiendi modum aut viam, quod hirsutis spinis toto corpore contra omnem vim ac hostilem impetum optimè munitum cerneret, inueniret, aliam qua ei illudat stropham comminiscitur. Veteres inimicitias sopitas esse asserit, pacata omnia, pacem autem violare religiosum esse, rogare se itaque ut armis depositis, crudeli Marte ac belli artibus, quarum tranquillo ac florenti imperij statu usus nullus sit, supersedeat, atque funesta arma deponat, neque se lupum qui nulla nocendi libidine, sed iuvandi studio eò accesserit, metuat. Erinacius, qui cautè metuendū potius quàm presumtuosè audendum didicerat, arma quæ in nullius se perniciem, sed suam contra sicarios tutelam gestare asseribat, deponere recusat.

TECHNARVM architectis & fraudum structoribus haud facilem esse aurem accommodandam, Erinacij prudenti monemur pertinacia, neque verborum lenociniis temerè credendum.

Spreta inimici lenocinantis fallacia.



Sobrii estote, & vigilate, quia adversarius vester
diabolus, tamquam leo rugiens circuit, qua-
rens quem devoret. 1. Pet. 5, 8.

K

S

SER-

SERPENTIS ET ERINACII.

PRECARIO à serpente Erinacius per hie-
mem commorandi diuersorium obtinet, atque ab
eo in domesticā consuetudinē adhibetur, nullo ipsi
eorum commodorū denegato, quibus serpens frue-
batur: at erinacius indulti sibi grauissimo ac dif-
ficillimo tempore beneficii immemor, dum sese in
globum conuoluit, atque in hanc modò, modò illā
in partem rotat, praterquā quod importunus ad-
modum serpenti esset, spinarum acumine crebris
punctionibus tenuem eius glabramq; cutem gra-
uiter sauciat. Vnde serpens illum, hospitalita-
tis beneficium ingrato collatum exprobrando, ro-
gat, uti inde secedere, alioq; commigrare velit.
at erinacius impudenter in has prorumpit vo-
ces: Quando tu meam presentiam tolerare ne-
quis, ipse hinc excedito. itaque mutato loco serpens
coactus habitandi ius cedit erinacio.

IN hoc hominū genus quod cū extremo mancipa-
tui addictum sit, herile sibi tamē (nescio quo fastu) im-
perium vsurpat, ij vt plurimum incidunt, qui assentan-
tia aliorum verba nimis facili aure excipiunt, atque in
indignos beneficia profundunt.

Improbi consortij molesta
consuetudo.



*Non omnem hominem inducas in domum tuā:
multa enim sunt insidiae dolosi. Eccles. II, 31.*
CHA-

CHAMÆLEONTIS.

CHAMÆLEONTA aëre pasci traditum est, adhuc patentibus perpetuò oculis, acutisq; Ungulis esse, atque ad rerum singularum obiecta colorem mutare, & cum omnia χρωμάτων admit-
tat genera, solum rubrum candidumq; respuere.

EDACIVM parasitorum, ut epitheto Horatiano utar, assentatorumq; idem propemodum est ingenium, qui cum nihilo vitam ducere videantur, potentiorū interim domos principumque aulas frequentantes, vanitatis ac novitatis auidorum aures confectis rumoribus titillant, ditioribusq; nequitiae suae fumos vendunt, atq; ita recta ac fucata mendicitate sibi victum quaeritant, quæ hominum ad voluptatem loquentium fæx, cū cothurno sit versatiliior vel chamæleonte mutabilior, iure ex bonorum consortio exterminanda est, frontem enim cū perfricuerint, neque erubescunt neque pallescunt: dolendum tamen cū primis est melioribus præceptis imbutos viros huiusmodi nugatores in deliciis habere, rudioribus enim qui ad omnia cæcutiunt, & aulica assentatione assuetis aliquid indulgendum est.

Frau-

Fraudulentæ vitæ inconstantia.



*Qui dicunt impio, iustus es: maledicent eis populi,
& detestabuntur eos tribus.*

Proverb. 24, 24.

ARIE.

ARIETIS ET TAVRI.

INSIGNIS quidam in ouium grege Aries cum vastioribus cæteris cornibus à natura munitus esset, adeò superbum ac seuerum in reliquas oves sibi imperiũ vindicabat, ut vel seorsum ab eo pasceretur, aut sibi ad pascua venienti primas semper tribuerent. quæ ouium erga se reuerentia metuq; factus insolentior, vel eò processit vesana presumptionis, ut sibi promiscuè reliqua pecora obtemperaturum autumaret. itaque vincente temeritate prudentiam, conspectum fors taurum ad pugnam pronocat, à quo primo etiam concursu humi prostratus neci deditur.

HOMINVM maxima pars, eorum etiam qui nulla dignitatis nota insigniti sunt, sui suarumq; viriũ oblita, ubi se minima aliqua re præstare cæteris vident, aut functionem aliquam adeptæ est, non modò æqualibus intolerabilis existit, verumetiam fastu turgida maximo suo damno potentiores aggreditur.

Tu-

Tuta sui ipsius notitia.



*Arrogantia tua decepit te, & superbia cordis tui:
 qui habitas in cavernis petrae, & apprehende-
 re niteris altitudinem collis. Ierem. 49, 16.*
 GAL-

GALLINÆ ET PULLORVM.

QVAM ardens suos tutandi studium gallina natura ingeneravit, cum Christi testimonio, tum quotidiana experientia exploratū habemus. quare extrema cuiusdam negligentia simillimum foret, huius adeò fecundi animantis ac sollicitæ matris in hoc mythologiarum theatro obliuisci. Videtis quanta illa diligentia, dum è rapaciū accipitrum genere tres alites pullis insidiantes caneam circumuolitant, excubet; quā eos strennuè à canea & simul fœtum raptu arceat: quātoq; studio propria salutis neglectu in carissimis pignoribus seruandis utatur, ut ea etiam præter veri propemodum fidem ex tot validorum hostium unica ungulis faucibusq; eripiat.

TYPV M magistratus gallina gerit, suoque exemplo luce meridiana clarius ostēdit, his qui aliis præsumt ex officio incumbere, innocentium animas facultatesque contra prædonum insultus tueri, eosque qui quacumque ratione oppressi sunt, erigere.

Tu-

Tutela innocentia.



*Discite benefacere; querite iudicium; subuenite
oppresso, indicate pupillo, defendite viduam.*

Isaia I, 17.

L

AGRI-

AGRICOLÆ ET MVRI.

BIBVLVS quidam Agricola fecundis à puero assuetus calicibus, cum fors natalē celebraret, ac Lyæo distentus, festum præ foribus ignem temulentus strueret, vento supra modum sauiente domum succendit; quā, dum incendium depascitur, unā quicquid in ea animatis erat, nullo ignē amoliente, concrematur, præter unicum murem qui periculum euaserat, atq; extra domum constitutus fugam adornabat. hic igitur à minimè segni agricola, ut qui præsentī damno perculsus, crapulam atq; ebrietatem concoxerat, captus in ipsum incendium hac exprobratione cōiicitur: Ah ingrâte qui mihi assiduus in deliciis uinenti fuisti comes, siccine iam afflictum deferere conaris?

PROSPERA ac secunda rerum facie amicitia cōlunt omnes, rebus autem aduersis ac desperatis ex conferto tot amicorum numero vix unū reperiās qui germanam sinceramque amicitiam re ipsa testetur. atque heu nimum vera illa est poëtæ sententia,

*Dum fueris felix, multos numerabis amicos;
Tempora si fuerint nubila, solus eris.*

Aduersis rebus probata amicitia.



*Est enim amicus secundum tempus suum, & non
permanebit in die tribulationis. Eccles. 6, 8.
Est autem amicus, socius mensae, & non perma-
nebit in die necessitatis. Eccles. 6, 10.*

L 2

AV-

DVM Auceps quidam rara, ut inquit ille, tetendisset retia, turdis edacibus dolos, neq; his solū, sed cuius auium generi sparsa esca auidius veluti præda inhiaret, aduolant diuersæ ad pastū alites, ita ut modo una, nonnumquā duæ, interdum etiā plures, quæ tamen eū non æquarent numerū quem ipsius aucupis cupiditas animo conceperat; quo fit ut cū captura ac labore indigna iudicarentur, bene pasta aucupis cōmendata negligentia iterum auolarent: ipse interim crebrius escam spargens dum totū diē inani spe magna prædæ, tereret, damnosam suam vel tandem auaritiā accūsans, ne nihil profecisse videretur, illa-bentem cassi ultimam unicam capit Fringillam, totius diei laborisq; præmium.

IN cæcam auarorum cupiditatem, qui exiguo rei lucello spreto cū indomito habendi desiderio opum acervos quærāt, & illud quod in manibus erat, & quod nancisci poterant amittunt, & frustra ad maiora animum adiiciunt.

Spre-

Spreti commodi sera poenitentia.



*Memento creatoris tui in diebus iuventutis tuae,
antequam veniat tempus afflictionis, & ap-
propinquent anni de quibus dicas, non mihi
placent. Eccles. 12, 1.*

RUSTICI ET SATYRI.

RUSTICVS dum satyrum in sylva quadā ingenti rigentem frigore ac panē enectum offenderet, commiserationis affectu motus, eum domum suam, ut membra refoueat, secum abducit. atque ut domum contendunt, fors rusticus frigoris mitigandi causa calorem manibus anhelans à Satyro, pensi tamen id non habente, notatur; Verū dum rustici tugurium subiisset, calidāq; utrique pultis scutellam aut patinam (quod veri est similis obfamem rusticam) appositam spiritu similiter ex ore afflato refrigerantem vidisset, ex eodē fonte contrarios promanantes effectus iam primum obstupefcens.

QUI gelidum vna, inquit, manu laticem, ignem altera gestant, omninò mihi in posterum fugiendi sunt: nam cū amicitiam vultu simulent, animo improbitate ac imposturis tectò incautis imponunt.

Pal-

Palliati ac versatilis animi typus.



Numquid fons de eodem foramine emanat dulcē, & amarā aquam? Numquid potest, fratres mei, ficus uvas facere, aut vitis, ficus? Sic neq; salsa dulcē potest facere aquam. Jacobi 3, 11.

MVRIS MAIORIS ET OSTREI.

MVS maior (quem glirē pleriq; autumant, sed quàm rectè, ipsi viderint) cùm lautis domi obsoniis quam splendidissimè vineret, neque ei quicquam ad exquisitam corporis curam deesset, domesticas fastidians lautitias peregrina asciticiaq; quarit cupedia, ac fors conchyliorum orexi inuitatus ad mare properat, in cuius littore extemplò hians ostreum conspicit, quod hianti aviditate, commodum nimirum suo palato edulium ratus, immisso capite è testa eximere conatus; ab ostreo id persentiscente, constrictis testis, quod capere decreuerat, ipse extremo suo damno capitur.

COMMODA vitæ ratio non est temerè cum incerta atque ambigua permutanda, expeditque mediocri forte contentum viuere, quàm splendidiorē ambiendo vtramque perdere, atque tolerando vitæ statu abdicato in eum incidere, qui non modò nostræ cupiditati non satisfaciat, verum etiam exitio sit: quod tum etiam fit, cùm incauti à voluptatibus, quas maximo studio acquisiuius, capimur.

Exi-

Exitiosa lautioris vitæ appetentia.



Adhuc carnes erant in dentibus eorum, nec defecerat huiusmodi cibus: & ecce furor Domini concitatus in populum, percussit eū plaga magna nimis. Num. II, 33.

L 5

AQVI-

A Q V I L A E E T L I M A C I S.

L I M A X sua ctiā conditionis pertasus humilē suā abiectamq̃, vitā continuis calūniis incessens, ad altiorem splendidiorēq̃ aspirat; quamobrem Aquilam rogat uti se in sublime atque aëra euehat, sat diu in terra abiectum reppsisse, tempus esse ut tandem è caeno emergat. quod ut facilius assequatur, pretiosissimam gemmam aquila, si suae petitioni suffragetur, promittit. lucri spe aquila limacis precibus assensum prabet, Ungulisq̃ comprehensam in altum sustollit, neque conditionis oblita, gemmam exigit: quam dum limax soluere nequiret, ab excandescenti aquila Ungulis constructus, suo malo discit polliceri id debere neminem cui praestando impar sit.

A P R A E C E D E N T I S fabulae sensu non multum praesens abhorret, docet quippe quā tutum sit ingenij sui ac naturae dona quemque excolere, neque altiora se magnopere ambire, illud praeterea monēs, ne quid pollicare quod in tua potestate non sit.

In-

Inconsiderata pollicitatio.



*In supernacuis rebus noli scrutari multipliciter.
Eccles. 3, 24.*

MIL-

MILVI ET CVCVLI.

CVCVLVM Miluus quòd cili vermiũ pa-
 stu victitaret sordidoq; alimento ventrẽ farciret
 crebrius irrisum, cõiciis etiam incescit, vecordiã
 pusillanimitatemq; non frugalem esse parsimo-
 niã, intendendos esse in res arduas animi nervos,
 atque ultra vires etiam aliquid subinde audẽ-
 dum magnifico verborũ apparatu demonstrat,
 non esse in rebus infimis acquiescendum: audaces
 namque à fortuna adiuvare, repellere timidos. cu-
 culus nihil hisce motus, intra ingenij sui se limites
 continet, contemptissimis vilissimisq; suis escis cõ-
 tentus: neque multò post miluum, cũ palumbis in-
 sidiaretur, in casses villici incidisse, atque è fastigio
 turris cuiusdam reliquo rapacium avium generi
 terrori hostiũq; ludibrio cauea suspensum cuculus
 cernens, idoneam se calumniatoris deridendi occa-
 sionem nactum ratus, Si tu, inquit, uti ego ver-
 mibus vesci didicisses, has pedicas equidẽ evasisse.

MILVI cuculiq; exemplum atque illius ignomi-
 nia securæ nos temperantiæ victusq; frugalis admo-
 nent.

Irrisoris præmium irrifio.



Propter crapulam multi obierunt; qui autē abstinentens est, adiiciet vitam. Eccles. 37, 34.

MIL-

LVSCINIAM malesuada fame adactus miluus dum raperet, supplex illa ut sui misertus innocenti imbelliq; parcat obsecrat, pollicita si seuitia in clementiam conuersa hoc tantum sibi beneficium præstet, perpetuis se fore miluo obsequiis deuinctam. ille luscinia voce rabiem aliquantulum frenas, ecqua igitur in re sibi deservire vellet, percontatur: musicis nimirum illa modis, inquit, tuas aures demulcebo; hanc mihi natura indulgit artem, neque aliam calleo. at tuo, ait, miluus harmonico concentu mihi famelico opus non est; nam cum venter aures non habeat, eo non sedatur, neque fami musica sed obsonia medentur.

RELICTIS his quæ sensuum organa tantum voluptate titillant, & à nobis tamquam ἐν παρόδῳ degustanda sunt, hæc sibi parare conuenit quæ necessarius rerum usus efflagitat, atque his ita incumbendum, ut quæ animum amœnitate sola perfundunt, nullamque aut exiguam vitæ communi vtilitatem præbent, in postremis habeantur.

Indomitæ famis barbaries.



*At ille dixit eis: Non legistis quid fecerit David
quando esuriit, & qui cum eo erant?
Matth. 12, 3.*

R.V-

CUM fors ab operis domum brumali tempore reuenteret colonus, colubrum quendam algore sub niuib. concretum seminecemq. quā ipse iter faciebat, reperit; quo viso statim eum beneficii in alios conferendi memoria subit, illa praesertim tā iusta aliena miseria occasione. hunc itaque sublatum secum domum defert, ac luculento igne resouet. at coluber ignem caloremq. persentiscens, repenti insolescit beneficio, nedum corrigitur: totāque domum peruagatus veneno omnia inficit. rusticus rei indignitate ac improbi colubri malitia iusta ira percitus, virus suum adhuc euomentem ascia discindit; Hāc mihi, inquit, pro beneficio praestito rependis gratiam? hic pietatis honos?

OSTENDIT colubri nequitia ingratitude fœditatem ac turpitudinem, satisque declarat, cū nihil sit sceleratius quā accepto beneficio maleficium rependere, iustas eam improbitatem pœnas ac supplicia manere.

Male-

Maleficio beneficium compen-
satum.



*Qui reddit mala pro bonis, non recedet malum
de domo eius. Proverb. 17, 13.*

M

LEO-

LEONIS ET HOMINIS.

DVM iter unà Leo atq; homo facerēt, collo-
 quii diuersis, uti inter itineris comites fit, tēpus
 fallunt tadiumq; profectionis leuant. de variis
 porrò inter se collocuti, ad eam fortitudinis speciē
 quæ corpus concernit, atq; in nervorū robore con-
 stituta est, è familiari colloquio in disceptationem
 dilabuntur, nā uterq; suas quanta poterat ma-
 xima commendatione extollit vires, leo pro insi-
 ta animi generositate suas acriter partes tuetur;
 homo pro ingenij facultate de sua laude nil reliqui
 facit, itinerisq; parte emensa, cū se fortuitò colum-
 na heroicū cuiusdam viri cum leone colluctan-
 tis eundemq; interimētis facinus insculptū offer-
 ret, intolerātius sese iactans hoc factum cōmenda-
 re, leonis virtutē eleuare occipit: eoq; procedit cō-
 trouersia, ut gloriosum hominē exastuāte bile leo
 discerperet, ac calamitoso exemplo suarū virium
 in misero & immodico iactatore specimen ederet.

INTEMPESTIVAM suiipius vēditationem alio-
 rumq; cōtemtum sequitur vt plurimum graue dam-
 num aut ignominia.

Iactantia auctori periculosa.



*Fecit potentiam in brachio suo: dispersit superbos
mente cordis sui. Luca I, sr.*

M 2

LEO

LEONIS, VULPIS ET ASINI.

QVONDAM inter Leonem, Vulpem & Asinum de Venatione ineunda conuenerat, neq³ segniter eam administrabant, ac suis quilibet partibus gnauiter fungēs, cū pradam affecuti essent opimam, tardus asellus quo stupidior eò presumtuosior, eam viritim distribuendam sumit, primamq³ sibi assignat partium. qua asini audacia suiq³ neglectu excandescēs leo, eū discerpit, ac vulpi sortes dissipandas tradit. ea Veteri astutia ac præsenti exemplo facta circumspectior, minima sibi reservata, leoni assignat maximā. Cui is subridens, quis te, inquit, tam cautam reddidit? aliena, inquit, pericula; Verita ne easdem cum asino subirem poenas.

PROCVL à Ioue atque fulmine vetus habet proverbium, quo cum præsens consentit locus: nam cū inæqualium infida sit societas, tutò eorum euitatur cōsuetudo. ferè enim fit, vt periculosa sit opibus viribusq³; nobis dissimilium (si præsertim insigni aliqua animi ferocitate præditi sint) amicitia.

Pœnæ formidine conciliata virtus.



*Quid communicabit cacabus ad ollam? quando
enim se colliserint, confringetur.*

Eccles. 13, 3.

M 3

LEO-

LEONIS ET VULPIS.

LEONE à longè viso vulpes in fugam sese conuertit: iteratò hoc conspecto fit paulo audacior, ita tamē ut cominus nondū accedere prorsus auderet, neq; eius ungulis fidere; metū tamen dissimulat: at tertio eidem occurrens, formidine omni deposita, sese in leonis familiaritatem ingerit, usque adeò eius in posterū domestica consuetudine vsa, ut gregalis huic facta (cuius feros vultus antea exhorrescebat) videretur. ita paulatim coalescit inter ignotos quadam animorū coniunctio: neque enim momento omnia fiunt, nec anno euersum est flum, nec annuo imperij Romani maiestas spatium creuit, aut ipsa demum anno condita Roma fuit.

QVAMOBREM prudentis est magnatum sibi beneuolentiam pedetentim demereri, longoque vsu eorū sibi animos conciliare; amorem enim consuetudo generat.

· Pru-

Prudens ac cauta conuersatio.



In timore, incolatus vestri tempore cōuersamini.

I. Pet. I. 17.

Charissimi, obsecro vos tamquam aduenas & peregrinos, abstinete vos à carnalib. desideriis, quæ militant aduersus animam, conuersationē vestrā inter gētes habētes bonā. I. Pet. 2, 11, 12.

M

4

LEO.

LEONIS, APRI ET VULTVRIS.

ROBUSTISSIMI animalium leo & aper dum sibi in itinere in diuersa contendentes occurrerent, leo primus aprū ferociter inuadit strenuēq; cū eo depugnat: ille non provocati aut lace-
 siti violentia infrendēs, animosa virtute eius fe-
 rociam retundit. spectabat utriusq; conflictū ma-
 xima cū voluptate ex proxima aliqua arbore
 vultur, at maiori cū desiderio exitum opperieba-
 tur, futuram scilicet sperans in quamcumq; partē
 caderet alea sibi lucro eam pugnam; quippe qui ex
 alterius strage pradam occisi cadaveris cōsecutu-
 rus esset: at utroq; suas pro virili partes defen-
 dente, longa dimicatione defatigati leo & aper
 pugna absistunt. itaq; vultur inani spe se lactatū,
 vanoq; hactenus gaudio exilisse cernens, fameli-
 cam rabiem mastus auolans alio transfert.

FALLVNTVR sæpenuerò qui obscura ac cæca
 spe incerta bona auidius præstolantur. sola igitur fidu-
 cia in Deo, qui nostram spem (modò rationi consenta-
 nea sit) non fallit, collocata, nihil magnopere speremus,
 ne fors frustrati, magis quid metuamus.

Immaturum ac intempestivum
gaudium.



Spes hypocritæ peribit. Iob 8, 13.

Oculi autem impiorum deficient, & effugiū peribit ab eis, & spes illorum abominatio animæ.

Iob 11, 20.

LVPI ET VVLPIS.

QVEMADMODVM bonorū amicitiam esse perpetuam, nec bonū bono male velle vmq̃uā virtutis quasi legibus & necessitate certissimum est, sic improborū facile euerti, vti quæ malis artibus coierit, atq; infirmo fundamēto nitatur, neq; perpetuò verū esse, malū malo non insidiari quotidie discimus; id quod præsens lupi & vulpis inuidia repræsentat. hæc πολύτροπος nullius rei indigentia pressum lupū in suo antro delitescētē conueniens, quid sit in causa rogat quòd domi obsolescat, cur non interdum in agros excurrat? atque ab eo stomachanti (quòd vulpinam fraudem olfaceret) repulsam passa colono cuidā lupi lustrum prodit; qui eò accurrens lupū conficit. illa citato ad antrū gradu leta properans, eius prōptuaria depascitur: at ab antro reuersa, semper quidē versipellis, attamen minimè tum suum infortunium præsenscens, à canibus discerpitur.

INVIDIÆ ipsissimum præmium est, alienæ felicitatis inuidia perire.

No-

Noxià alienæ felicitatis inuidentia.



*Vir qui festinat ditari, & aliis inuidet, ignorat
quòd egestas superveniet ei. Proverb. 28, 22.*

VVL-

VULPIS LEPORINAS CARNES
COMMENDANTIS.

CUM in leporarium canē vulpes incidisset, neq; ullam elabendi viam cerneret, anxie secū ecqua ratione sua posset saluti consulere disquirat, variaq; animo agitante precisa fuga opportunitate, viriū sublata fiducia, quod ultimū est victis, & quò tamquam ad sacram anchoram confugere solent, arripit, caniq; fit supplex, dedens se eius potestati; Verū ut se à victore nullo alio quàm corporis lytro redempturū liquidò animaduverteret, oratorio fūco quem ipsa fors melius prædatore cane nouerat, ei persuadet suas rudiores agrestioresq; esse carnes quàm quæ suo sint placitura palato, leporinas esse delicatissimas, leporeq; à lōgè mōstrato ipse euadit, atq; is cane insequente quod longius abesset hostis spē fallit; reuersusq; sibi suā improperat malitiam, quòd se innocentē accusasset. nihil Verò minus, inquit illa, qui te potius laudauerim, cū tuas meis delictiores esse carnes dixerim.

IN hos qui aliorum vitam bonaq; in discrimen adducunt, ut se à periculo eximant.

Insidiosa improborum criminatio.



*Qui quod nouit loquitur, index inſtitia eſt: qui
autem mentitur, teſtis eſt fraudulentus.*

Proverb. 12, 17.

TAV.

TAVRI ET GLIRIS.

AT quærat hic quispiã quid cū Tauro gliri? quid graculo cū fidibus? quid cum amaricino sui? quorsum adeò dissimilia nobis scena animantia ostētat? an ut elephantum culici aut faba hilum maxima alicui rei conferat, an ne ut insulsius etiã quã Tityrus ille Virgilianus parvis cōponere magna solebat, hic aliquid in mediũ afferatur? haudquaquam. nam quæ tantam exagitare molē potuit, iure inter reliquas animantes aliquem locũ glis obtinet; illa enim robusti ferocisq; tauri, suas usque adeò iactātis vires, ut omnium aliorũ aspernari videretur, pede morso sauciato, mox in suam se cavernam abdit, tauro nequiquam, se intuto collocato, persequente, donec bilem concoquat præ antri foribus quod ob angustiam subire nequibat, relicto.

POSSE & obesse contemptissimum, si ingeniũ viresq; ad nocendum intendat, innuit fabula, ideoq; fragilem etiam non esse floccifaciendum hostem, hac fictione demonstratur.

Con-

Contemptoris damno debilioris
contemptæ vires.



*Veni ad me, & dabo carnes tuas volatilibus cæ-
li & bestiis terræ. I. Reg. 17, 44.*

SI-

SIMII ET VULPIS.

NVDIS suis clunibus omnium impetitus iocis ac scommatibus simius, cum quo suam nuditatem operiret nusquam mutuare posset, post longam demum investigationem vulpem insigni ac pilosâ cauda conspicatus, ut sibi eius partem imperiatur obsecrat. id quo facilius impetret, vulpig commiserationem moneat, duabus potissimum utitur viis, una nuditatis ostentatione, altera utilitatis, quam hinc vulpes consecutura esset, si suae petitioni suffragetur, quod nimirum expeditior multo cauda parte amputata futura sit. at vulpes ad eius preces obsurdescit, neque eius rationibus persuadetur, nulla in re sibi impedimento caudam esse asserens.

Hoc hominum genus vulpino est ingenio, cui etsi affluat quo benefacere possit egestate oppressis, sordida nihilominus auaritie effascinatedum tergiuersandi perpetuò ansam inuenit.

Inopia nudi subleuata.



*In presenti tempore vestra abundantia illorum
inopiam suppleat: ut & illorum abundantia
vestra inopia sit supplementum, ut fiat aequa-
litas.*

2. Cor. 8, 14.

N

LV-

LVPI ET CÆLATI CAPITIS
H V M A N I.

LVPVS aut factus hominibus familiarior, aut aliud quid inuestigaturus, Veteri suo Veteratorio more, cū casu statuarij cuiusdā nobilissimi officinā ingrederetur, humano capite ita affabrè ac ingeniosè elaborato, ut bruta ad se alliceret, nedū homines, avidissimè dudū summāq; cū admiratione contēplato, in hac demū verba prorūpit: Sunt in te mehercle, ô lepidū caput, quamplurima quæ uniuersos ad tuas laudes inuitāt, forma elegans pulchritudoq; è diuina quadā symmetria educta, quibus facile omnia vincis, nullū te artificis opus aequat: attamen cū præstantissimæ ingenij dotē, quæ pulchritudinis præcipua pars est, destituta sis, hominem representans humani in te nihil est.

EXTERNI lineamentorū in corpore ductus, formæq; decor ac venustas qua supremi nos artificis manus ad miraculum vsq; exornauit, nisi animus virtute prudentiaq; excultus sit, neminē nobilitant: hæc enim immortalia sunt, illa aut morbo aut ætate aut alio leuissimo casu marcescunt atque intereunt.

Fallax venustatis larua inanime
corpus.



*Vani sunt omnes homines, in quibus non subest
scientia Dei, & de his quæ videntur bona non
potuerunt intelligere eum qui est, neque operibus at-
tendentes, agnouerunt quis esset artifex. Sap. 13, 1.*

CERVI ET OVIS.

LITEM Ovi Cervus quondam modij sili-
ginis nomine faciebat, coram lupo eam in iudiciū
vocans. ipsa etsi ob iniqui ac sibi perpetuo odio in-
sidiantis iudicis insignem improbitatē iusta formi-
dine perculsa esset, indebiti tamen depulsione (tan-
ta enim innocentia vis est, ut coram sanctissimis
etiam tyrannis afflicto animū addat) cōtra acto-
rē uti conata, repellitur, ac debiti solutionis à lu-
po rea damnata, indicatāq₃, ad certū diē satisfa-
cere iubetur. Illa iniqui iudicis metu se daturam
modium stipulata spondet, iudiciiq₃ maiorē se veri-
tatē declinat. Ad dictum diem cervus praesto est,
promissi solutionem postulat: at pulchrē ab one,
quod vis metusq₃ caussa addixisset, illuditur.

QUI suis opibus viribusque fisci humiliores infir-
mioresque opprimunt, saepenumero eorundem pru-
dentia ac sagacitate, nec immerito decipiuntur, haud
exigua sua cum infamia.

Pro-

Promissa vi extorta.



*Opprobrium nequam in homine mendacium, &
in ore indisciplinatorum assidue erit.
Eccles. 20, 26.*

N 3

CA-

CAPRAE ET LUPINI CATVLI.

E CAPRILI sola se pascuis credens Capra quòd cornibus mediocriter munita esset, neque ferri aliquid animantis à quo sibi magnopere metucndum in viciniis esse autumaret, in catulum lupinum incidit: is sui commodi causa eam vehementer laudare, ei blandiri cum per vim ob corporis adhuc imbecillitatem nil posset, obtestari demū, his artibus via strata, ut sibi ubera admoveat, admodum se caprino lacte delectari, quod suo maximo commodo, capra autem minimo, atq; adeò nullo damno fieri posset, id rogat ne sibi deneget. capra comiter annuit: sepius impostoris patris, impostori filio lac prabet: at factū grandiozem lupum vereri capra incipit, atque urbanè quod suo se facere cum periculo intelligebat, in posterum recusat, suam se perniciem alere considerans.

INSIGNIS cuiusdam prudentiæ est, ita inimico necessitate urgente commodare, ut tibi ipsi non incommodus.

Præstitum callidè inimico
beneficium.



*Altissimus odio habet peccatores, & impiis red-
det vindictam.*

Eccles. 12, 7.

N 4

FE.

FELIS ET PVLLASTRÆ.

GALLINÆ pullum adoritur felis, ac rapacibus unguibus immaniter correptū mortem cōmeruisse ait. id improba duabus rationibus docere conatur. priori quòd matrem se ac sororem ridentem suis oculis notasset: altera, quòd suis importunis noctem clamoribus omnibus infestā molestamq; redderet: at ille ut se fictis ac commentitiis criminibus oneratum, neq; defensionis locum esse animaduverteret, modeste excusans, neque ridere matrem nec suorum quemquam, neque dolo malo pipire ut quietem cuiusquam interturbet; sed naturali quadam propensione ut reliqua animantia omnia, hos actus edere respondet. at nullis felis rationum momentis admissis immerentem voracibus dentibus ingulat.

CUM ita in vitæ officiis cæspitare homines incipiūt, ut utile honesto anteponant, facilem alterius nocendi occasionem captant, atque quod iure nequeunt, per vim & nefas experiuntur.

QVÆ-

Quæſita ab improbo nocendi
occafio.



*Verba impiorum insidiantur sanguini: os iusto-
rum liberabit eos. Proverb. 12, 6.*

N

S


DE

DECREPITAE FELIS ET MVRIVM.

ÆTATE annisq; onusta, vieta felis cū murrivm venationi non amplius esset ut olim, idonea, eorumq; usque adeò crevisse cernebat audaciam, ut sibi propemodū impune insultaret, atq; adeò suam augmentarent sobolem, ut funesto domesticos malo exagitarent, temporis gliscenti periculo occurrendum rata, viribus ac corporis agilitate destitutis, prudentiam sapius profuisse animo recolit, insigni se strophæ in matræm abdit, locū & somno & excubiis & habitationi & muribus capiendis idoneum. quò dum se crebrius mures conferrent, nil minus quàm selem excubantē suspicantes, aut farinam aconito infectam, singula à sele imprudentes venatione minimè omnium laboriosa, sed expeditissima, capiuntur.

INGENIO pollet cui vim natura negavit, adeoq; media suggerit prudens necessitas cū viribus destituimur: videmus enim hic artis magistrum necessitatē (qui psittaco expediuit suum χαῖρε, & philomelas docuit nostra verba conari) dolum hunc contra mures suggessisse.

Imbecillitas virium astutia refarta.



*Astutus videns malum, absconditus est: parvuli
transeuntes sustinuerunt dispendia.*

Proverb. 27, 12.

DE-

DECREPITI CANIS ET HERI.

OBRUTVS senio & decrepita etate canis cum verberibus crebrius multaretur, quod venatione minus promptè quàm cū iuuenis ac vegeto adhuc corpore esset, fungeretur, prateritos annos florentemq; iuventam qua in pretio atque existimatione apud dominū fuerat, paulò altius, secum suspirans, recolit, neque obscure suæ calamitatis causam intelligens, cum se sauius indies tractari videret, heri inclementiam deprecari conatur. Verum ut se inanes excutere culmos atque immitis domini flexurum animum diffideret, in has prorumpit liberè voces: Nunc cerno tui causā, non mea mihi hætenus benefactū esse, atque hanc qua nunc premor acerbiter præstita operæ talionem ac compensationem esse.

APOLOGVS iniquos perstringit heros, qui famulis suis tamdiu humaniter vtuntur ac vana spe lactant, quamdiu laboribus operisque faciundis sufficiunt, ne pili quidem facientes, vbi vel morbo vel corporis viribus vel ætate fracti ac debilitati nemini amplius vsui sunt.

Vtilitate circumscriptus amor.



*Et non est recordatus Ioas rex misericordia quã
fecerat Ioiada pater illius secum.*

2. Paralip. 24, 22.

CO-

COLONI CVIVSDAM ET
CANVM.

MAIORIS *verò crudelitatis præ se for-*
manfert, si etiam hi ad exitium violentur qui-
bus nostram vitam atque salutem debemus. cu-
iusmodi illud est quod hoc loco percensebimus. Co-
lonus quidam gravi annonæ difficultate hibernis
mensibus adactus, iumenta sua mactat, ne ab iis
quidem abstinens quæ arvis colendis alebat. quæ fe-
ritate canes perspecta, in hunc attoniti modum ex-
clamant, Hui cū noster adeò in eos deserviat he-
rus qui vitæ ipsi necessaria suppeditant, quid de-
num nobis futurum existimamus, an ne ut atro-
cius in nos suam crudelitatem exercent? quin igitur
nunc *rebus nostris tempori consulimus, eiusque acerbitatē*
hinc facessentes eludimus?

QVI in suos crudelis atque atrox exstiterit, quis eū
externis clementem placabilemque futurum umquā
autumarit? aut hisce parciturum quibus nil ex officio
debet?

In-

Inhumanitas in domesticos.



*Benefacit anima sua vir misericors : qui autem
crudelis est, etiam propinquos abiicit.*

Proverb. 11, 17.

ASL

ASINI AC TRIVM DOMI- N O R V M.

OLITORI serviebat asinus (dignior cuius omnes misereantur quàm quē rideant, quod tamē consitatius est) hic cū semel ab hero vapularet, Jovē continuis precibus pro alio fatigat: ex auditus laterarium nanciscitur, qui bonum asinum sub clitellis quotidie excarnificatum verberibus onerabat. huic ille dira imprecatus, cū Jovem accusare non auderet, iteratō vitæ mutationem efflagitat, ac tertio domino cerdoni traditur. ille demū ad sanitiam nihil reliqui faciēs, immanitate superabat reliquos. tum asinus deploratam suam sortem sera mutati heri poenitentia deflet, primumq; utrig; posteriorum multis nominibus præfert.

IN homines delicatulos, eos præsertim qui suam aliis coguntur elocare operam: qui cū vitæ non admodum incommodæ, ob minimas molestias impatientes suam crebrō conditionem permutant, in peiorē perpetuō incidunt, eaque demum laudant quæ antea vituperarant.

Per-

Permutata è meliori in peiorem
conditio.



*Vnumquemque sicut vocavit Deus, itaambu-
let; & sicut in omnibus Ecclesiis doceo.*

Cor. 7, 17.

O

ASI-

ASINI, BOVIS, MVLÆ ET CAMELI.

SIMILES cum similibus facillimè permisceri, atq; eosdē nullo negotio conuenire, Veteri cognitū est adagio, idemq; asini, mula, bouis & cameli docet hoc loco querimonia, suas enim sibi mutuò calamitates recitant, omniū animantiū laboriosissima se inuicem consolantur, non aliundè petunt opē, quam se à præstantioribus impetratura desperant, à debilioribus non posse certò sciunt. Dū hunc in modū ad doloris solamen forte fortuna feriat, arumnosam flagrisq; subiectā vitā deflerent, impudentior reliquis asinus conscensa mula, At ego excussis, inquit, sarcinis cōmodiorem in posterum aggrediar, atq; è baiulo eques fiā. Camelus cū boue natura sua dotes diligētius rimati, Quando aliis, aiūt, functionibus minus idonei sumus, iure quibus sustētamur alimēta labore ac sudore cōparamus.

NEMO asinū magnopere admiretur, qui plurimos ex hominū genere sortitus sit fratres, adeò desidię inertięq; amātes, vt cū omnib. ingenij adminiculis ad magnas res gerēdas destituti sint, atq; ad solos labores nati, sui ipsius obliti, omnes molestias detrectāt, menfasq; opiparas & lauta fercula sectantur.

Victus laboriosi honestissima
acquisitio.



Omnes hi [puta artifices] in manibus suis speraverunt, & unusquisq; in arte sua sapiens est.

Eccles. 38, 35.

Super sellam iudicis non sedebunt. Eccles. 38, 37.

O

2

CHI-

CHIRONOMI, SIMII ET CERCO-
PITHECI.

CHIRONOMVS quidam cū simiū & cercopithecum pyrrhicham aliāq; saltationum ac tripudiorum genera docuisset, deductos in theatrum spectandos populo exhibet. cū iam mirā illi gesticulationum varietate confertam hominum coronam ac turba oculos pascere, fors simius conspicatus iuuenulam nuce ē sinu proferentem atq; enucleantem, sui officij ac saltationis oblitus, effuso cursu eō aduolat, sinuq; seu pracinctorio explorato, quantum sibi satis esse indicabat, auferit; totumq; (muliercula monstrosa simia accessu magno interim metu percita) theatrum cachinnis risibusq; completur.

SIMILE quod simio iis vsu venire assolet, qui quā tenaciter combiberunt artem, atque in qua se diu exercuerunt, relicta naturæ malunt semina ductumq; sequi, omnibusq; sese ridendos propinare, non satis attendentes quā scitè admonitum sit, Quam quisque artem nouit in ea se exerceat.

Artis magistra Natura.



Si mutare potest Aethiops pellem suam, aut pardus varietates suas: Et vos poteritis benefacere, cum didiceritis malum. Ierem. 13, 23.

O 3 ADO-

ADOLESCENTIS CVIVSDAM
ET HIRVNDINIS.

PRODIGVS quidam adolescens cū ad
nuditatem propè omnia prodegisset, neq; præter
unicam lacernam quicquam reliqui haberet, hie-
mis sanitia paulo factus frugalior, agrè eā aliquā-
diu custodit; verū ut primū & hac se carere pos-
se existimaret, ad veteres mores reuertitur, nam
hirundine fors cōspecta malus aruspex astatē inibi
esse augurās, (oblitus eius quod vulgi in ore est, v-
nā hirundinē ver nō facere) & hanc diuēdit, ita
ut præter interulam eius nuditati nihil obstarēt.
Verū cū ex insperato suos iterū hiems aculeos
exerēs ingenti eius corpus algore adureret, hiru-
dinem seminecem frigoris vi conspiciens, Heu te,
inquit, infidam, tu utriusq; doloris causa es, tui
scilicet ipsius, quod nimium citò in has oras exola-
ueris; mei porrò, quod nimium credulo astatem
præsagiueris.

MATVRO consilio ac deliberatione qualibet in re
opus est, nihilque temerario animi motu attentādum.
Præ-

Præcept vicissitudinis fiducia.



*Qui reddit mala pro bonis, non recedet malum
de domo eius. Proverb. 17, 13.*

O 4

CER.

CERVI TEMVLENTI.

EBRIOSVS quondam ceruus, longa videlicet id assuetudine consecutus ut vino esset deditus, tum se potissimū ingurgitabat cū genialiter amicos herus exciperet. hoc igitur cum conuiuis festum diē agente, secundos plurimos suo more exsiccat calices, meroq; mentē adimente effusius solito omnia peragere, ebriorū more insulsē ac inconditē vociferari, huc illucq; se mouere, & quod omniū importunū. erat, salire. itaq; in truncum impingens fædo lapsu crus confringit, ac decocta crapula pristina intēperantia odio, mero abiurato fit abstemius, soloq; in posterum lymphæ potu sitim restringit.

VINI vsus cautē moderateq; adhibendus: tantisper enim Bacchus abblāditur, dū confertim ingestus mētem ē sua sede deturbet, vbi verò cerebrū euicerit, mēbraq; ligarit, venenatos relinquens aculeos acriter pungit. quare cū turpissima atque vtrique hominis parti sit periculosissima ebrietas, longē ab ea sapiens abhorrebit.

Ebrie-

Ebrietatis comites, peccatum,
damnum, ignominia.



*Ebrietatis animositas, imprudentis offensio, mi-
norans virtutem & faciens vulnera.*

Eccles. 31, 39.

O

5

AV-

AUCUPIS ET PERDICIS.

AB aucupe capta perdix de sua agi salute verita, uti qua soli ingluviei serviret, dimitti se atque auita libertati restitui, disertè simul ac suppliciter rogat, magnam sui generis auium copiam (fama perfida atq; existimationis oblita) in retia se plecturam pollicita; ac ferè percupidum amplioris lucri aucupè in suam sententiam pertraxerat, ni secum perpendisset, quæ amicis esset perfida, quamdiu utile esset, fidem hosti servaturam, atq; incerti spe certa dimittenda non esse. Indignabundus itaque, Adeon' es impudens, inquit, ut libertatem petere audeas qua teipsam indignam reddidisti, quod alios in hoc discrimen adducere non dubitas à quo tu quammaximè abhorres, eaq; aliis tendis retia quibus ipsa irretiri nolles? te igitur ego hodie ob insignem illam animi tui nequitiam iusto supplicio ac mortis pœna mulctabo.

INFAMIS mors ac ultimum supplicium genuina proditiōis merces est.

Pro-

Proditio in proditoris caput re-
dundans.



*Si possides amicum, in tentatione posside eum, &
ne facile credas ei. Eccles. 6, 7.*

GAL

GALLORVM GALLINACEORVM
ET PERDICIS.

PERDICEM rusticus emptā cū domū detulisset, gallinario cū gallis gallinaceis includit. illi ignotā alitē, inuidia inter ignotos atq; dissimiles innato quodam omnibus errore gliscente, rostris pinsunt ac male contundūt: ipsa veteris libertatis recordata, vitāq; in carectis ac virgultis absque ullo quondā metu traducta, grauius sociorū principio ferre iniurias lociq; squalorē; at seipsam consolari confirmatioriq; esse animo, ubi se in seruitutē abreptam necessitatis durissimo telo parēdum esse attentius paulō cōsideraret, neq; ipsis inter se gallis eiusdē generis anibus cōuenire, sed crebrius dimicare, ac cruētatos ē pugna discedere notasset, debere reputans aequi consulere hospitē peregrinas contumelias, quibus sibiipsis familiares iniurię essent.

EX HOC nos loco consolabimur si sapiētissimi cuiusdā viri paulō altius animo defixerimus sentētiā, nos nō reipsa sed iniurię opinione lēdi, faciliusq; improborū mores tolerabimus, si ab eorū calūniis vel æquē improbos, nedū bonos, liberos esse posse cogitauerimus.

In-

Iniuria violenta frustra culpata.



Quando sederis ut comedas cum principe, diligenter attende quæ apposita sint ante faciem tuam.

Proverb. 23, 1.

AGRI-

AGRICOLÆ ET CICONIÆ.

EX AGRO summo labore ac sudore optimè
 culto consitoq; uberem triticeam sperabat messem
 rusticus: at herbescentes fruges tanta anserum ac
 gruū copia detondebat, ut turbulentam aliquam
 tempestatem illorum damna aquare dixisses. qui-
 bus (variis frustra conatus eas terriculis auertere)
 tendit agricola retia, ac casu inuolantem capit ci-
 coniam. illa freta sua innocentia, errore se eò dela-
 tam, quietem è volatu defatigatam capere, neque
 ut suas fruges demeteret ibi consedissee asserens, ro-
 gat uti se dimittat. ille libertatem se ei non modò
 restitutum abnuat, postquam in suos casses inci-
 derit, verumetiam ad instar reliquarū quæ tan-
 tum sibi quotidie damni afferrent, morte multa-
 turum.

IMPROBORVM fugienda esse ciconiæ exemplo
 monemur contubernia, ne fors cū iis deprehensi, alie-
 næ improbitatis cogamur pœnas luere.

Bo-

Boni punitio ob malorum con-
fortium.



*Misericordia & veritas te non deserāt, circun-
da eas gutturi tuo, & describe in tabulis cor-
dis tui. Proverb. 3, 3.*

OVIS

OVIS ET LUPUS.

OVICVLAM insecutus lupo, cū in extrema propemodum adegisset, presenti periculo ei pernicitatē conciliante, consequi non poterat: ipse nihilo segnius ei insistens, undiq; angit: vallatam ipsa se fraude conspiciens, ac vix dum vspiam effugium patēre, in proximum quoddam sacellum se recipit. id lupo videns, pleno cursu, oīe insecutus, in eundem locum irruit, prædā se indubitato nacturum autumans. at nimia aviditatis irrita spe falsus, cū oīi paratā decipulā gauderet, seipsum in vincula condit: nam cū tanto impetu in sacellum irrueret, incautus à tergo sibi ostium occludit, ac iam proprii periculi præsentia percitus, ab oīe omnino abstinet.

COMPARATA est in inexplebilem illorum famē fabula, quibus cū satis non sit innocentes deglubere, nisi ipsos etiam totos deglutiant, iisdem capiūtur compedibus, quas insontium pedibus collocarant.

Vasri-

Vafrities ab innocentia illusa.



*Ipse autem cōtemplabatur eam tacitus, scire vo-
lens utrum prosperū iter suum fecisset Deus,
an non.*

Gen. 24. 21.

P

IO-

IOVIS ET HYDRI.

EPVLVM splendidiss. suaq; maiestate dignū
 symposium Iupiter reliquo deorū cœtui struxerat:
 id dū animantia rescirent, ad se calestiū epularū
 apparatū spectare existimantia, sua singuli dona-
 ria ac munera conuiuij cohonestandi & grati a-
 nimi declarandi caussa in mediū adferunt; neque
 suo deerat natrix officio, cū rosam Milesiam pur-
 pureo suo colore omnium perstringentē oculos Jo-
 ui Opt. Max. offerret, diuina erga se indignatio-
 nis ignara. ferunt enim, vt primū corā Jone com-
 paruisset, & donū & muneris auctore cōtempta,
 cū reliquorū grato placidoq; animo numen ac-
 ceptarit. palamq; in deorū cœtu Jonē edisseruisse, à
 scelestis non esse capiēda munera, quòd fraudis do-
 liq; sint obnoxia.

PECCATORES, vt ait scriptura, nō exaudit Deus,
 neq; impiorū delectatur munerib. qui nō victimas aut
 holocausta, sed contritū ac humiliatum cor postulat. id
 præsentiissimi inter angues veneni ac profligatissimæ
 malitiæ hydri exemplo docet apologus.

Sceleratorum repudiata munera.



*Da altissimo secundum datum eius, & in bono
oculo ad inuentionē facito manuum tuarū: Noli
offerre munera praua, non enim suscipiet illa. Et
noli inspicere sacrificium iniustum.*

Eccles. 35, 12, 14, 15.

NEQVE Verò minus impij preces atq; munera execratur Deus, aut nefanda obsecrantes in propriam ipsorū perniciem exaudit: id in ape supra quàm dici potest humano generi utili manifestè declaravit. nam cum illa fauum mellis Jovi offerret, atque hanc ab eo comprecaretur prerogativam, ut eū sibi lethaliter pungere liceret, qui sua alvearia depopulaturus esset, gratissimo quidem Jupiter donum suscipit animo, obtestationem tamen benignus hominum sospitator avertatus, Multò quàm tu me rogasti aliter, ô apis, ait, eveniet: quēcumq; enim tuo pupugeris aculeo defixumq; eius vulneri reliqueris, ille tibi, non tu ei, necis causa existet. ea siquidem vitalis spiritus ei indam semina, ut eo amisso, & te vita simul privari necesse fuerit.

INIVRIA sanctis. pientissimiq; sit numinis maiestati, sceleratis precibus; easque in malitiosè precantium capita retorquet.

Exosa numini improba petitio.



*Cum vidissent autē discipuli eius Iacobus & Jo-
annes, dixerūt: Domine, vis dicimus ut ignis
descendat de calo, & cōsumat illos? Luc. 9, 52.*

P 3

MI.

MILITARIS EQVI ET SCROFÆ.

PHALERIS, stragulis, ephippio plumisq;
 magnificè ornatus equus ad militiā proficiscitur,
 aut ibi gloriosam ac citam mortē oppetiturus, aut
 domum victoriā reportaturus latam. Scrofamq;
 prætergressus his à caenosa sistitur Vocibus: Itāne
 te miserū in ancipitē Martem mortisq; manife-
 stum discrimen tui oblitus præcipitas? cur te demēs
 is perditū? Tu verò, inquit equus, scrofa sugilla-
 tionē retundens, hoc cene in luti volutabro te ullā
 immortalitatem consecuturum arbitrare? an te
 ignoras saginatam ingloria turpiq; morte animā
 amissuram edituramq;? me verò dum pro hero
 meo mortē oppeto, nominis ac famæ immortalem
 gloriam, quæ obscura hac tenebricosaq; vita mul-
 to præstantior est, consecuturum.

IGNAVI atq; inglorij homines nauci faciunt suo
 more probrosum sortiri vitæ exitū, modò ipsis in deli-
 ciis vivere liceat: generosus autem atq; heroicus ani-
 mus, spretis contemptisq; voluptatibus, nominis, famæ
 vitæque honestè traductæ laudem ac perpetuitatem
 ambit.

Gloriosa mors ignominiosæ
comparata.



Et audiui vocē de celo, dicentē mihi: Scribe, Beati mortui qui in Domino moriūtur. Amodo iā dicit spiritus, ut requiescāt à laboribus suis: opera enim illorū sequuntur illos. Apocal. 14, 13.

ASINI ET EQVI.

MISELLVS quidā asinus magno lignorū fasce onustus, insigni apparatu instructū comptūq; equum eminus cernens, felicem statim pronūciat, & sua sententia oppidō beatū; suam ē contra sortem deplorans, infelici se sidere, atq; adeo quarta, quod aiunt, luna natū, non cernū modō ac humilē esse, sed perpetuis verberibus laboribusq; premi ingemiscebat. accidit, ut eundē non multo post cataphractū, grauiq; armorū pōdere pressum, ad arduam quandam militiam ablegari videret: hic suis arumnis cum periculosa equi pompa collatis; Malo nunc, inquit, vilis ego abiectusq; asinus esse, ac quotidianis cernicē laboribus domare, quā feræ militiæ crepitantia arma sectari, aut militari zona cinctus cruenti Mauortis aleam iactare.

NEQVE opes neq; honores vlla hominē felicitate perfundūt (crescentē enim sequitur cura pecuniā, maiorūq; fames) sed cupiditatū animi refrenatus ardor. quo fit, vt multo frequēter is possit esse felicior cui plurima fortuna negauit, hoc ipso cui ad explēdas delicias atque exquisitas voluptates nihil deest.

Fraudulenta ac fucata mundi
felicitas.



*Melior est patiens viro forti: Et qui dominatur
animo suo, expugnatore urbium.*

Proverb. 16, 32.

P. 5

EQVI

PRÆCEDENS nos fabula docuit, quā trā-
 quillē nostra Eorū vita, in quibus omnia splen-
 dida esse existimamus trutinata, subinde inter
 natura terminos conquiescimus, præsens optima
 eam ratione confirmat, cum demonstrat humiles
 eo periculo exētos esse, in quo ij versantur qui am-
 bitione quadam lubricū gloria callē emensi vāni-
 tatis præcipitiū obtinent. Nam cū ferax quidam
 equus adēto iugo ingentē baiulantē sarcinam, neq;
 oneris magnitudine de via decedentē asinū sibi
 obuium haberet, atq; excandescēs pedib; se eū, ni ce-
 dat, conculcaturū minaretur, asinusq; elata voce
 cōsternatus thrasoni locū daret, fit post aliquot an-
 norū decursum, ut tristi senectā obitus equus, pha-
 leris ab hero spoliatus, fimo sordibusq; euehendis
 mancipatus, ab Asino fors cōspiceretur. hic igitur
 illi asinus fastum cū voluptate exprobrans cōtu-
 melia memor, Tūne, inquit, ille equus es quem ego
 olim iactantē huc illucq; iubas, spumantiq; ore su-
 perbos è pectore anhelantē spiritus, mihi insultantē
 cognoui, cedo nūc, quonā pacto ad probrosam hanc
 vitam deuolutus es?

INSOLENTIA ac contumacia talionis secum le-
 gem adferunt.

Felicitatis odiosa insolentia.



*Fecit potentiam in brachio suo : dispersit superbos
mente cordis sui.*

Luc. I, 51.

GAL-

GALLOPAVI ET GALLI GAL-
LINACEI.

GALLVS quidam gallinaceus inflati tumi-
diq; animitanta philantia aestuabat, ut sui ge-
neris volucrem toleraret nullam: quare cū Gal-
lopaum (quē Indicum pavonē alio nomine indi-
getant) iisdem commorari locis quibus ipse, gal-
linis item & pullis ob tranquillam & pacatam
vitæ consuetudinē gratum esse rescisceret, amula-
tione quadam crudele & atrox contra eum bel-
lum suscipit: quod cū tantopere incrudesceret,
ut pullas tris etiam metum incuteret atq; à gal-
li conspectu longè arceret, gallopaus uti quietis
amans, ita continua pugna ac litium osor acerri-
mus, veteri renuntians domicilio, novos lares eli-
git, bene eum vixisse iudicans qui bene latuerit.

IN ἀξενίαν & barbaram inhospitalitatē, rudesq; eorū
mores qui peregrinū secum cōmodè habitare neminē
tolerant. quo utinā vitio solus Euxinus pōtus ab Apol-
lonio notaretur, neq; Christianæ sectæ pleræq; natio-
nes (contra Pauli doctrinā, cū tamen barbariem exuisse
videri velint, barbaris ipsis extrema quadam barbarie
turpissimo inhospitalitatis crimine peiores) adeò infe-
ctæ essent.

Ius hospitalitatis violatum.



Si habitauerit advena in terra vestra, & moratus fuerit inter vos, non exprobrete ei.

Luca 19, 33.

MIL-

MILVI ÆGROTANTIS.

MILVVS post longam scelerū & vita improba acta periodum, iusto Dei flagitiorū vindicis recteq; factorum remuneratoris iudicio gravi infirmitate afflictus, matre accersita summo animi affectu eam rogat, uti pro incolumitate sibi restituenda Deum comprecetur. at illa inusitata quadā matribus erga natos severitate ipsum increpans, hisce magis magisq; verbis affligit: Itāne deum impiorū misereri putas, qui sua lege iussisq; contemtis, prospero rerum successu sui obliuiscuntur? an ipsum flagitiosorum acerrimum vindicē esse ignoras? iure igitur tibi ista nūc obuenire, tuāque ob latrocinia senientem hunc in tuo corpore morbum experiri existimato.

RATIONI consentaneū est, ut qui prospero rerū statu ac integra corporis valetudine ingratus divina oracula cōtemnit, deiq; obliuiscitur, is vicissim à summo numine rebus afflictis, ac membris suis muniis destitutis, iusto optimi Dei iudicio corripiatur deseraturque.

Pœna neglecti diuini cultus.



*Iniquitatem si aspexi in corde meo, non exaudiet
Dominus. Psalm. 65, 18.*

STRV-

STRUTHIOCAMELI ET LVSCINIÆ.

TEMPVS nunc est *ut in scenam philomela prodeat, qua amœnissimi veris non aduentantis fallax prænuntia, sed varia herbarum florumq; venere luxuriâtis, diuina sua harmonia incundissima siren hac anni parte mira hominum aures dulcedine titillat: hanc miremur quòd cum anium præstantissimis nunc cum vulture, iam cum pauone, hoc etiam loco cum castiss. Struthione contendat. nam cum ille plumarum venustate superbiret, hac suo cantu nullũ illi laudis locũ relinquebat, ita se demum utraq; laudat, ut sibi in reliquis optimo iure imperiũ deberi assereret: hac suo se cãtu amantiũ lenire dolores, ille pretiosis suis plumis varias ad ornatũ ac magnificentiã gentes uti, primũq; in cõmerciis ṽdicare sibi locũ asseribat: illa ne qui primas laudũ decantandarũ sibi partes vindicaret, obtineret etiã ultimas, Struthionis plumas inanis ostentationis manipatu obscurans, Struthiocamelo relicto auolat.*

PERSTRINGIT eorum stoliditatẽ apologus, qui ob aliquod naturæ beneficium, cæca quadam philautia, sese dignos & idoneos imperio iudicant.

Odio-

Odiosa propriarum virtutum
præconia.



*Quis enim te discernit? quid autem habes quod
non accepisti? Si enim accepisti, quid gloriaris
quasi non acceperis?*

I. Cor. 4, 7.

Q

CICO-

CICONIÆ DECREPITÆ.

CICONIA omnium quas vastus terrarū ambitus ac fluens illud aëris pelagus alit animum sola vincit in pullis suis educandis reliquas cura atq; industria, ac reciprocam quandam pietatē à suis experitur, insigni exēplo mortales sui erga se invicem officij, ubi res & necessitas postulant, admonēs; confundit autem pullorum gratitudinis vicaria admirandum paradigma, plurimorum hominum, heu foeda ingratitude: nam adeo religiosè natura legi parentum sollicitudine suscepta obsequuntur, ut cū hi consenserint, flagitiosum nullaq; satis poenā expiandum in ipsorum censeatur Republ. curam eorum abicere vel egestatem non sublevare. ita fit, ut cū adhuc implumes ac imbecilli corpore foetus à parentibus nō negligantur, neq; hi vicissim ab iis quibus vitā impartiti sunt, nulla ipsorū imperiū sedula cura pietate administratum, egestate squalleat.

MONET nos rationis lumine orbata ciconia parentū curā suscipere, neq; hos inopia aut senio pressos deferere, & qui nos tam sollicitè in hanc lucē produxerunt, aluerūt, grato animi affectu deficientes sublevare.

Vica-

Vicaria prolium ac parentum
pietas.



*Exultat gaudio pater iusti: qui sapientem genuit,
letabitur in eo.*

Proverb. 23, 24.

Q 2

ASI-

ASINI VARIIS ESCULENTIS PO-
CULENTISQUE ONUSTI.

RIDICVLVS ille asinus qui toties repeti-
tus nunc aliā personā sustinet, ac ultimū se in sce-
na spectandū exhibet. exquisitissimis cibis potuq;
onustus alimenta aliis & defert & subministrat,
cū ipse interim ipsa propemodū sarcina onectus,
vili carduorū esu ac vnda potu frigida famē si-
timq; expleat atq; depellat, nulli quā sibi ipsi si-
milior, perpetuò aliquid sua natura dignū insulse
cōmittens; multorū autē asinorū aures suo exem-
plo detegens, ac fabulosam rē ad veritatē tradu-
cens, sordidos homines nimiumq; ad rē attentos
prodit; qui cū auctiorē amplioremq; suam red-
dere familiā maximo conatu student, incōpara-
bili labore per omnem vitā ea congerunt quae in-
gratis liberis, nepotibus ac posteris dilapidanda
relinquant, atq; ipsi interim sui corporis animiq;
crudeles carnifices existunt.

DEPLORANDAM igitur auaritiæ seruitutem,
opumque flagitiosum mancipatum graphicè depin-
git fabula.

Inops

Inops opulentia.



*Vir cui dedit Deus divitias, & substantiam, &
honorem, & nihil deest anima sua ex omni-
bus quae desiderat: nec tribuit ei potestatem Deus
ut comedat ex eo, sed homo extraneus vorabit
illud. hoc Vanitas & miseria magna est.*

Eccles. 6, 2.

Q 3

CYGN

CYGNI ET CICONIÆ.

QUID faciundum quidve omittendum in
 vita multorum animantiū exemplo didicimus
 nunc, quando virtutis arduus callis est, unā-
 que omnes maneat nox, & calcanda semel via
 lethi, hanc quo animo aduentantem noctem ex-
 cipere debeamus, ab olore petamus; ille sibi mortē
 imminētē præsciens, canora voce argutē cantās,
 à ciconia quadā intempestivum gaudiū obstupe-
 scente, Ecquid tanta voluptate perfundatur an-
 quiritur. negat ille hoc ciconia mirum videri de-
 bere, quod seipsum consoletur, atque insolita qua-
 dam lætitia gestiat, postquam sibi partam tran-
 quillitatē in propinquo esse, tantarumq; molestia-
 rum ac curarū, quibus irretitus hactenus fuerit,
 metam se consecutum videat.

POSTQVAM statutum sit omnibus semel mori, &
 æqua lege necessitas fortiatur insignes & imos, cygni
 exemplo magno & heroico animo mortem contem-
 nere discamus, & quam fata nobis laborum metā de-
 stinarunt, ad hanc veluti athletæ in palæstra ad brauiū
 alacriter accurramus.

Generosus mortis contemptus.



*In malitia sua expelletur impius: sperat autem
iustus in morte sua.*

Proverb. 14, 32.

Q 4

PHOE-

UT QUAM philosophandi rationē à tetricis humana vita laboribus ac molestiis inchoamus, dulcedine quadā quietis permulceamus, producamus unicum phœnicē qui catastrophe lata, qualē decet esse comicum exitum, hunc actum absoluat. Tradunt hunc post sexcentorum sexagenum annorum atate arborem in felicitis Arabia solitudinibus propter fontē aliquem seligere, in eaq; lignorum strue atq; odoriferis arborum ramalibus congestis nidulari, post nidum valida alarū complosione, (solis obuersum radius) accendere, ac semetipsum medio rogo ingestum concremare, ex huiusmodi autem conflagrata materia cineribus enasci vermem qui renouatum phœnicē reddat.

CHRISTI seruatoris morte ignominiosa cruentā se patri pro nobis victimam immolantis atq; gloriosæ & admirandę resurrectionis beneficio nobis vitā reparantis typū gerit phœnix. ille nobis re ad calcē perducta laboris nostri finis sit, qui α & ω , principium ac finis rerū omniū gloriosus ille phœnix vnitatis mysterio ad vnū ouile nos traducet; in eo nos oportet hic spiritu renasci, in eo computrefacti cadaueris molem in admiranda illa corporum restauratione ad nouam ac immarcescibilem vitam reparari.

Iuuenilia studia cum prouectiori
ætate permutata.



*Deponite vos, secundum pristinam conuersatio-
nem, veterem hominem, qui corrumpitur se-
cundum desideria erroris. Ephes. 4, 22.*

PHOE.

P H O E N I X mihi propemodum silentiū im-
 posuerat, ac florida illa aterna ac beata vitæ spes
 theatri fores occluserat, nisi Ciconia religio post
 ultimum illud Plaudite, breuem hanc admoni-
 tionem attexere iussisset: ut videlicet illius exem-
 plo, quæ annuas fœtus alicuius oblatione Deo per-
 soluit primitias, nosmetipsos ad virtutis cultum
 observantiamq; stimulantes, puri cordis ac pecto-
 ris thura ei adoleamus; id quod procline facere
 fuerit, si lernæa vitiorum hydra superata, vir-
 tuti viam fecerimus, tantoq; propensius id face-
 re auebimus, si diuini promissi certa spe nos ipsos
 fulcierimus. Iustus enim ut palma florebit. Vir-
 tutis autem orbem duobus potissimum humana
 vitæ officiis non Christi modò elogio, sed philoso-
 phorum etiam testimoniis absoluerimus, si diui-
 nos summo numini ac debitos honores exhibea-
 mus, ac pari affectu reliquos mortales quo nos
 ipsos prosequamur.

Iusti-

Iustitia omnibus partibus ab-
soluta.




*Deum time, & mandata eius observa: hoc est
enim omnis homo. Eccles. 12, 13.*

F I N I S.







175960

9/2 Rich.

1830264



